



“Scripture Application & Leadership Training”

Solomon Islands Pijin
Solomon Islands Pijin

SALT I Outlines
SALT I Outlines

(Revision 2)

THE SALT PROJECT

Olketa SALT Leson

Pej

GOD & PIPO

1.	Yu Mas Trae Had Fo Lanem Olketa Tru Samting Abaotem God, An Falom	2
2.	God Hemi Lavem Yumi Olsem Wanfala Dadi Lavem Pikinini Blong Hem	4
3.	Samfala Tru Samting Abaotem God	7
4.	Wei Blong God	11
5.	Wei Fo Kamap Fren Wetem God	13
6.	Hemi Garem Plan Fo Pipol Hu Hemi Mekem Olketa Olsem Hem Seleva	18
7.	Olketa Lo Blong God I Talem Yumi Mas Lav	20

SEITAN & SIN

8.	Seitan An Olketa Plan Blong Hem Fo Spoelem Pipol Blong God	23
9.	?Waswe Yumi Sin?	28
10.	Sin Hemi Barava Spoelem Pipol	31

ABAOTEM WEI GOD HEMI SEVEM PIPOL

11.	God Hemi Kaen Tumas Bikos Hemi Ofarem Present Long Evriwan Wea Hemi Laek Fo Sevem Olketa	33
12.	?Taem Baebol Hemi Sei, "God Hemi Sevem Man," Wanem Nao Hemi Minim? ..	36
13.	Olketa Wei Blong Olketa Kristin	38

LAEF BLONG KRISTIN & WEI FO LIDIM PIPOL

14.	Wei Fo Faetem An Winim Olketa Devol Wea Olketa I Trae Fo Mekem Yu Gorong O Trae Fo Spoelem Yu An Biliv Blong Yu	40
15.	?Waswe Laef Blong Yumi Mas Holi?	45
16.	Stopem Wei Blong Yu Wea Hemi Sin	47
17.	Wei Fo Fogivim Pipol Olowe	50
18.	Wei Fo Olketa Wea Falom Kraes Fo Stap Gud Long Famili Blong Olketa	56
19.	Wei Fo Mekemrere Leson From Baebol An Wei Fo Tisim	59

Leson 1

Yu Mas Trae Had Fo Lanem Olketa Tru Samting Abaotem God, An Falom

- A. Taem Yu No Save long Olketa Tru Samting Aboatem God An Wei Blong Hem
 1. Olketa wea no biliv long Jisasw, olketa i biliv nomoa long olketa laea tingting **Rom 1:18 [2 Tesalonaeka 2:9-11, Sams 14:1]**
 2. Olketa Kristin i save bilivim samfala laea tingting **Kolosi 2:8 [1 Jon 2:26]**
 3. God hemi laekem olketa hu i prea long hem, olketa mas prea go long paoa blong Holi Spirit an long wei wea hemi barava tru **Jon 4:23-24**
 4. Taem Kristian hemi barava falom wei blong God, bae hemi stat fo savegud long laea tingting abaatem God, mekem hem save barava tru samting abaatem God. **Kolosi 1:10 [2 Pita 3:18]**

- B. Hemi Barava Impoten Fo Minim Olketa Tru Samting Abaotem Wei Blong God

1. Olketa samting yu tingim, bae olketa i soaot long laef blong yu

Rut → Tri → Frut

Tingting → Siusim Wei→ Duim Samting

2. Wei fo senisim wei blong olketa pipol
 - a) senisim haat - mekem pipol wande stap gud wetem God an wetem evri nara pipol
 - b) senisim tingting an wei blong man - mekem pipol falom tingting an wei blong Kraes
 - c) senisim wei blong olketa pipol mekem olketa falom wei blong Kraes
3. Wanem yumi bilivim abaatem God, hemi soaot long wei wea yumi stap wetem olgeta pipol
4. Piksa Olsem Tri

Save long tru samting long toktok blong God → yu kamap fri from sin → yu stap gud (Jon 10:10)

Seitan trikim yu → yu kamap slev blong sin →

yu no stap gud long disfala wol an bae yu go long hel (2 Tesalonaeka 2:9-12)

- Taem yumi biliv long Jisas an kamap Kristin, yumi tingim yet staka samting abaatem wei blong God wea hemi no tru. Olsem, samfala maet tingse God hemi kros long olketa, o maet samfala tingim wea evriwan bae i go long heven.
- Taem Kristin hemi barava savegud long wei blong God an save falom wei blong hem olowe, disfala Kristin hemi save luksave long olketa laea tingting, mekem hemi biliv nomoa long olketa samting wea Baebol talem olketa i tru. Bat/no eniwan hemi save evrisamting wea hemi tru abaatem God. God nomoa hemi save. Yumi evriwan bilif yet long samfala laea tingting. Dastawe hemi gud fo yumi skul gud long Baebol, mekem yumi savegud long evri tru samting abaatem wei blong God.
- 5. Toktok Blong God Long Baebol **Jon 8:32; Jon 14:6; Hosea 4:6 [Galesia 5:7-10; Jon 8:44-45]**

- C. Samting wea hemi tru, hemi talemaot wei wea samtin I barava stap.

- D. Yumi mas skul gud long Baebol mekem yumi save gud wanem hemi barava tru abaatem God an wei blong hem

1. Yu mas tisim yu seleva long olketa samtingBaebol hemi talem **Aposol 17:10-11**
2. Hemi gud fo yu hadwaka olowe fo save long Baebol. Nogud yu masta liu. **2 Timoti 2:15**
3. Olketa tru samting wea Baebol hemi talem, olketa i barava impoten long laef blong yu. Olketa i save mekem yu stap gud wetem God an wetem nara pipol. **2 Timoti 3:16-17**
4. Holi Spirit nao bae helpem yu save wanem barava tru, wea God hemi laekem yu fo save long hem. **Jon 16:13**

- E. Nogud yu save olketa tru samting abaatem wei blong God bat yu no falom, bikos diswan bae hemi save spoilem laef blong yu.


- Man wea hemi waes, bae hemi falom tru wei blong God, mekem hem stapgud.
Matiu 7:24-27

*"Bae yufala SAVE long TRU SAMTING abaotem God, an
disfala TRU SAMTING bae hemi mekem yufala FRI."* Jon 8:32

Man wea hemi



Man wea hemi
jes kamap Kristin



2 Tesalonaeka 2: 9-12

Seitan trikem yu




yu kamap
slev blong sin


bae yu go long hel

Jon 10:10

Save long Tru samting
abaotem God



yu fri from sin



yu stap gud



Leson 2



God Hemi Lavem Yumi Olsem Wanfala Dadi Lavem Pikinini Blong Hem

- A. Dadi God hemi barava lavem yumi tumas. **1 Jon 3:1; Jon 15:9-10, 12**
- B. God hemi laekem evri dadi fo tisim pikinini blong hem long olketa wei wea God hemi olsem dadi blong yumi. **Efesas 6:4; [Tesalonaeka 2:10-12; Diutronomi 6:7]**
- C. Samfala wei blong samfala dadi wea olketa i no gud. (Taem man hemi kamap Kristin, maet hemi tingse wei blong God hemi olsem wei blong dadi blong hem. Bat diskaen tingting hemi no stret. Sapos yumi barava laek fo save long God an save long wei blong hem, yumi mas letem God tisim yumi abaotem hem seleva. Olketa tru samting abaotem God hemi putum long Baebol. Nogud tingting blong yumi abaotem God hemi no stret. Yumi mas stretem tingting blong yumi abaotem God from ridim Baebol.)
1. Samfala dadi olketa i kros olowe long pikinini blong olketa. Dastawe samfala Kristin tingse God hemi kros olowe tu.
 2. Samfala dadi olketa i givim evri samting wea pikinini blong olketa i askem. Dastawe samfala Kristin tingse God bae duim olsem tu.
 3. Samfala dadi olketa i bisi olowe an no li-lisin long olketa pikinini blong olketa. Samfala Kristin tingse God hemi no intres long olketa an God bae hemi no helpem olketa.
 4. Samfala dadi olketa i olowe laek pikinini blong olketa fo duim staka samting. Nomata olketa pikinini trae had fo duim evri samting wea dadi hemi laekem, bat dadi hemi no hapi. Long tingting blong diskaen dadi, olketa pikinini no gud inaf. Dastawe samfala Kristin tingse God hemi nating hapi wetem olketa tu. Olketa fil nogud bikos olketa tingse God olowe laekem olketa fo waka had moa, an olketa tingse olketa no save duim inaf fo mekem God hapi.
- D. Stori abaotem wanfala dadi wea hemi barava lavem san blong hem tumas. **Luk 15:11-32**
- E. ?Wanem nao wei blong dadi long disfala stori?
1. ?Wanem nao hemi duim?
 2. ?Hao nao hemi tingting abaotem san blong hem wea hemi go rong?
- F. ?Hao nao wei blong fasbon san hemi deferen from wei blong dadi?
- G. God hemi lavem yumi olsem wanfala gudfala dadi lavem pikinini blong hem
1. God hemi siusim yumi fo kamap pikinini blong hem. **1 Pita 2:9**
 2. God hemi adoptem yumi, mekem yumi barava pikinini blong hem. Bae yumi garem olketa blesing wea hemi laek givim long yumi. Hem nao olketa blesing wea brata blong yumi Jisas, hemi garem finis. **Rom 8:15-17**
 3. God hemi lukim yumi olowe. **Sams 139:13-16**
 4. God hemi no save fogetem yumi. **Aesaea 49:14-16**
 5. God hemi mekem finis gudfala plan fo laef blong yumi wea hemi laek yumi fo falom. **Jeremaea 29:11-13**
 6. God hemi hapi tumas long yumi. **Sefenaea 3:17**
 7. God hemi lukaftarem olketa pikinini wea no garem mami o dadi. An God hemi lukaftarem pipol blong hem wea olketa no garem famili fo lukaftarem olketa. **Sams 68:5**

God hemi lavem yumi olsem wanfala godfala dadi lavem pikinini blong hem


God hemi lavem yumi tumas

1 Jon 3:1
Jon 15: 9-10, 12



Yuni wea dadi mas lavem pikinini
blong yumi long semkaen wei
wea God hemi lavem yumi.

"Aba" Dadi blong mi



Luk 15:11-32

1 Pita 2:9

Rom 8:15-17

Leson 3

Samfala Tru Samting Abaotem God

A. God hemi hae tumas an paoa blong hem mekem pipol fraet long hem.

- Bikfala paoa blong hem hemi saen long evri ples long wol. **Revelesin 1:12-18; Aesaea 6:1-5; Eksodas 33:18-23**
- God hemi barava hae fogud **Revelesin 15:3-4; 1 Timoti 1:17; Rom 11:33-36; Sams 96:5-10; Sams 104:31-33; Aesaea 40:12-18**

1. God hemi stap olowe

- a. No eni taem stap wea God hemi no stap tu. Hemi no garem stat long laef blong hem, an hemi no garem en long laef blong hem. **Revelesin 22:13; Revelesin 1:8; Sams 90:2-6; Sams 93:2**

- b. God hemi mekem evrisamting. No eniwan mekem hem. **Kolosi 1:15-16; Jon 1:1-3; Jenesis 1:1**

2. God hemi no garem stat and no garem en. Hemi bik winim evrisamting long skae, bik winim evrisamting wea i stap.

- a. God hemi garem evri paoa. No eni paoa winim paoa blong hem. Hemi save duim evrisamting nomoa. **Jenesis 17:1; Rom 1:20; [Matiu 19:26]**

[Samfala eksapol long Oltestamen somaot paoa blong God: **Josua 10:12-13; 2 Kings 20:9-11; Eksodas 14:21-31**]

[Samfala eksapol long Niutestamen somaot paoa blong God: **Luk 8:22-24; Luk 11:14-20; Luk 5:17-26; Matiu 28:18-19**]

- b. God hemi save long evrisamting. No enisamting stap wea hemi no save long hem. **Rom 11:33-34; [1 Korin 1:25; Hibrus 4:13; Sams 139:17-18]**

- c. God hemi evriples long wanfala taem, an hemi lukim evrisamting olowe.

Sams 139:7-12; Hibrus 4:13; [Jeremaea 23:23-24]

[Wanfala eksapol long Oltestamen somaot dat God hemi stap evriples: **Jona 1:3; 2:1-2a**]

3. No eniwan long disfala wol save lukim God.

God hemi Spirit. **Jon 6:46; [Jon 1:18; Kolosi 1:15, 19; Hibrus 1:3; Jon 4:24]**

4. God hemi save somaot lav an kamap kros tu, hemi garem tingting, hemi save mekem disisin.

Hemi no wankaen paoa olsem win wea hemi duim samting bat no save tingting an no save fil.

Samfala rilijin tisim dat god blong olketa hemi no save tingting, an no save fil. **Mak 1:11; [Jenesis 1:26-27a]**

B. God hemi wanfala God nomoa. Bat nomata hemi wanfala God, hemi trifala long wanfala.

1. Disfala wod “Triniti” hemi no stap long Baebol. Bat nomata wod hemi no stap, aedia ya hemi barava klia long plande ples long Baebol wea wanfala God nomoa hemi stap, nem blong hem “Yawe”, an disfala Yawe hemi trifala long wanfala. Long Hibrus 1:5-9 Dadi God hemi stori abaotem San blong hem. An long ves 8 Dadi God hemi sei long San blong hem olsem: “O God. Bae yu gohed fo rul evritaem an olowe.” !Long hia, Dadi God hemi talemaot dat Jisas nao hemi God! Disfala tru samting abaotem God hemi impoten tumas. Bat samfala seksin olketa les long olketa tru samting wea Baebol hemi tisim (olsem Wastaoa). Plande taem diskaen seksin olketa stat fo spoelem tising blong Baebol taem olketa les long disfala tising blong Triniti. **Hebreus 1:5-9**


2. Toktok long Oltestamen abaotem God wea hemi somaot dat God hemi wanfala God nomoa, bat semtaem nomoa hemi winim wanfala tu.

- a. Long Hibru langguis, disfala wod “God” hemi “elohim” wea hemi barava minim “olketa bikman.” Hemi klia dat disfala wod hemi minim God, and hemi klia wea Baebol tisim wanfala God nomoa hemi stap. Bat plande taem long Baebol disfala wod “elohim” stap wea hemi minim Yawe. Yawe hemi wanfala God nomoa, bat

hemi “olketa bikman” tu. Diswan hemi somaot lelebet wea maet Yawe hemi winim wanfala. Diswan hemi no klia long olketa Jiu bifo. Bat hemi klia long yumi tude.


Diatronomi 6:4

- b. Samfala ves stap long Oltestamen wea God hemi talem “mifala” taem hemi toktok long hem seleva. Olketa ves somaot wea God hemi winim wanfala. **Jenesis 1:26; [Jenesis 3:22; 11:7; Aesaea 6:8; 41:22, 23]**
- 3. Toktok long Niutestamen abaothem God wea hemi somaot dat God hemi winim wanfala. Long Niutestamen, olketa Jiu i barava save finis from Oltestamen dat Yawe hemi wanfala God nomoa. Dastawe long Niutestamen olketa Jiu barava les fo tokabaotem disfala tising. Bat plande ves wea Niutestamen hemi somaot dat God hemi Dadi, an San, an Holi Spirit - trifala evriwan i pat long wanfala God.
 - a. Ridim **Matiu 28:19** and **Aesaea 48:11**. Hemi klia long Aesaea 48:11 dat God hemi no letem eni narafala god moa fo garem biknem olsem hem. Bat long Matiu 28:19 hemi klia wea Jisas hemi talem dat Dadi God, an San blong hem, an Holi Spirit, trifala i pat long God, bikos hemi tok olsem trifala evriwan i impoten olsem narawan.
 - b. Taem Jisas hemi baptaes, Dadi God hemi talemaot klia dat Jisas hemi San blong God, an den Holi Spirit hemi kamdaon from heven tu. **Matiu 3:16-17**
 - c. Jisas hemi tokabaotem God **Jon 16:28; 14:8-10; 14:16-17** (Trifala blong Triniti evriwan i stap long disfala vers: **Jon 14:26**); **Jon 14:23**
 - 1) Jisas sei hemi kam from Dadi God an bae hem gobaek long Dadi God
 - 2) Jisas and Dadi blong hem, wei blong tufala nao i semsem. Taem yu lukim wei blong Jisas yu barava save nao long wei blong Dadi blong hem.
 - 3) Dadi God bae sendem kam wanfala moa fo helpem olketa
 - 4) Disfala narawan wea bae helpem olketa hemi Holi Spirit
 - 5) Jisas an Dadi blong hem, tufala bae kam stap wetem pipol wea olketa lavem Dadi God. Jisas hemi tok abaotem Dadi God olsem hemi deferen from hem seleva. An Jisas hemi tokabaotem Holi Spirit olsem hemi deferen from hem seleva. An Jisas hemi tokabaotem Dadi God and Holi Spirit olsem tufala deferen. So nomata Oltestamen hemi tisim yumi dat wanfala God nomoa hemi stap, Jisas hemi mekem klia dat God hemi trifala long wanfala ya. Jisas hemi promis dat trifala pat long God, Dadi, an hem seleva, an Holi Spirit, trifala bae kam fo stap wetem pipol wea olketa lavem Dadi God.
- 4. Tising wea hemi somaot dat Yawe God hemi trifala long wanfala.
 - a. Olketa ves i klia wea Dadi God an Jisas i barava wanfala nomoa. **Jon 17:11, 21-23**
 - b. Holi Spirit hemi God **Aposol 5:3-4; 1 Korin 12:4-6**
 - c. Samfala wei wea trifala long Triniti i wanfala God
 - 1) Trifala evriwan agri olowe an garem sem tingting.
 - 2) Trifala evriwan garem sem paoa nomoa.
 - 3) Trifala evriwan lavem trifala seleva an lavem pipol tu



Samfala Tru Samting Abaotem God


1. a)



Rev. 22: 13

God hemi stap olowe; Hemi no gakem stat long laef blong hem, an hemi no garem en long laef blong hem.

1. b)



Kol. 1: 15-16

God hemi stap olowe. Hemi mekem evrisamting. No eniwan mekem hem.

2. a) Rom 1: 20



God hemi garem evri paoa.
Hemi save duim
evisamting nomoa.


2. b)



Rom 11: 33-34

God hemi save long
evrisamting.

2. c)



Sams 139:7-12
Hibrus 4:13

God hemi evriples long
wanfala taem, an hemi
lukim evrisamting olowe.

3.

Jon 6:46



No eniwan long disfala wol save lukim
God. Hemi wanfala Spirit.

4.

Mak 1: 11




God hemi person;
Hemi garem tingting, hemi save mekem
disisin, hemi filim lav an kros.

**Triniti =
trifala long
wanfala**

**Diutronomi 6:4
Jenesis 1:26**

Jon 13:36
Jon 14:8-9
Jon 14:16-17
Jon 14:26
Jon 14:23



**Trifala wei wea
Triniti olketa i
wanfala:**

- 1. sem paoa**
- 2. sem tingting**
- 3. sem lav**



Leson 4

Wei Blong God

A. Namba wan wei blong God hemi olsem: Hemi God blong lav

1. Evri samting God hemi duim, hemi kam from lav blong hem. **1 Jon 4:8, 16 [Jon 3:16-17; 1 Korin 13]**
2. Taem yu falom wei blong lav, yu duim wanem hemi barava gud long God, long olketa nara pipol an long yu seleva. **Filipae 2:3-8**
3. God hemi trifala long wanfala. An evriwan long trifala i somaot lav olowe.
 - a. Mekwan long trifala hemi Dadi God, hem ya hemi somaot lav: **Jon 3:16 [1 Jon 4:10-11; 2:15; Rom 5:5; 8:39; 2 Korin 13:14]**
 - b. Mektu long trifala hemi Jisas, hem ya hemi somaot lav: **Jon 15:9 [Efesas 3:17b-19; 2 Korin 5:14; Rom 8:35]**
 - c. Mektri long trifala hemi Holi Spirit, hem ya hemi somaot lav: **Rom 5:5 [Rom 15:30; Galesia 5:22]**

B. Olketa Kristin mas falom wei blong God wea hemi siusim fo lavem pipol. **Efesas 5:1-2 [1 Korin 13; 1 Korin 16:13-14; 1 Jon 4:8]**


C. Samfala wei wea God hemi somaot lav blong hem

1. Olketa nambawan wei blong God i kamap bikos hemi lavem yumi.
2. Samfala wei blong God wea i kamap from lav blong hem, i olsem:
 - a. God hemi toktru olowe. Hemi nating laea. **Jon 14:16-17 [Jon 1:14; Jon 8:42-46; Sams 89:34]**
 - b. Hemi waes. Hemi save gudfala wei fo somaot lav blong hem. **Jemes 3:17 [Mak 6:2; 1 Korin 2:7-8; Jeremaea 51:15]**
 - c. God hemi duim nomoa wanem hemi stret an gud. **Hibrus 1:8-9 [2 Tesalonaeka 1:5-7; Rom 2:5; Diutronomi 32:4]**
 - d. God hemi sore an kaen tumas long evriwan, nomata olketa no obeim hem. **Efesas 2:4-5 [Taetas 3:5; Jemes 5:11; Sams 86:5]**
 - e. God hemi no sensim tingting blong hem. Olowe hemi duim wanem hemi promisim. **Jemes 1:17; 2 Timoti 2:13 [Aesaea 49:14-16; 1 Tesalonaeka 5:23-24; 1 Korin 1:9]**

D. Lav blong God nomoa ya hemi mekem God hemi duim evrisamting wea hemi duim. Dastawe hemi waes, an hemi kaen an sore long pipol, an hemi stret, an olowe hemi kipim promis blong hem, an hemi toktru nomoa, an hemi barava holi fogud. Evri wei olsem i somaot dat God hemi barava gud an stret olowe, an hemi no garem eni ravis samting long wei blong hem. An disfala holi God hemi wande stap gud wetem pipol bikos hemi mekem pipol olsem hem seleva. God hemi lavem pipol an hemi holi tu, dastawe hemi stret fogud long semtaem hemi save kaen an sore long pipol. Hemi save fogivim sin blong yumi bikos olketa wei blong God i barava waka tugeta long stretfala wei nomoa.

E. God hemi holi.

1. Taem man hemi holi, hemi somaot long wei hemi lavem nara pipol. **Jemes 3:17**
2. Sapos man hemi holi, hemi stret an hemi les long sin an evri nogud samting. **Efesas 4:24**; Hemi garem klin tingting an hemi tingim gudfala samting olowe. **Efesas 1:4 [1 Pita 1:14-16; Sams 24:3-4]**
3. God hemi talem pipol blong hem fo kamap holi olsem hem seleva hemi holi. **Hibrus 12:14; Matiu 5:48 [1 Pita 1:16]**
4. Bat God hemi promisim dat bae hemi duim diswan fo mekem yumi holi. **2 Timoti 2:13; 1 Tesalonaeka 5:23-24**
5. Yumi waka tugeta wetem God fo sensim laef blong yumi. **Filipae 2:12-13; Rom 8:28-29; Galesia 2:20; Jisas hemi talem dat taem yumi waka tugeta wetem hem, hadwaka hemi kamap isi. Matiu 11:28-30**



God Hemi Holi

1 Jon 1:5

Olowe God hemi promisim
wanem hemi
Jemes 1:17
2 Timoti 2:13

God hemi toktru olowe

Jon 14:16-17

God hemi waes.

*Hemi save gudfala wei so
somaot lav blong hem.*

Jemes 3:17

God hemi sore an
kaen tumas long
evriwan
Efeas 2:4-5
God hemi duim nomoa
wanem hemi
stret an gud

Hibrus 1:8-9

Evri samting God hemi duim,
hemi kam from lav blong hem.

1 Jon 4:8, 16
Filipae 2:3-8

Leson 5

Wei Fo Kamap Fren Wetem God

A. ? Waswe nao God hemi mekem pipol?

1. God hemi laekem yumi fo kamap gudfala fren blong hem. **Jon 15:13-15, 17**
[**Jemes 2:23; Matiu 11:19; Sams 25:14; Eksodas 33:11**]
2. Jisas hemi kam long disfala wol fo duim wanem Dadi God blong hem hemi laekem.
Jon 5:19, 30; 6:57; 8:28; 12:49; 14:10; Mak 1:35
3. Eksapol long Meri an Mata: **Luk 10:38-42**

B. Samfala Wei Blong Fren

1. Olketa fren i toktok tugeta. (Lukim piksa)
 - a. Olketa fren i no bikhed: **Matiu 6:5-6** an olketa toktru nomoa: **Matiu 6:7**
 - b. ?Taem yu toktok long God long prea, wanem nao yu talem? **Matiu 6:9-13**
[**Luk 11:2-4**]
 - 1) Hemi gud fo wosipim God, talem long hem dat bae yu obeim hem olowe. (ves 9)
 - 2) Yu askem God fo mekem pipol letem hemi king long laef blong olketa an duim wanem hemi wandem. (ves 10)
 - 3) Yu save askem hem fo samfala samting. (ves 11)
 - 4) Hemi gud fo talemaot sin blong yu, sensim ravis tingting, an askem hem fo fogivim yu. (ves 12)
 - 5) Yu save askem hem fo helpem yu no foldaon long sin, an no letem enikaen samting fo traem yu. (ves 13)
2. Yu mas lesin gudfala fo herem God hemi toktok long yu. (Lukim piksa)
 - a. Taem yu fren wetem eniwan, yu toktok long hem an yu lesin long hem. **Jon 10:27**
 - b. Samfala deferen wei God hemi save toktok long yu:
 - 1) God hemi toktok long yu long Baebol. **2 Timoti 3:16-17 [Sams 119:105]**
 - 2) God hemi save toktok long yu long maen blong yu. **Aposol 8:29**
 - 3) God hemi save toktok long yu taem pipol blong hem i toktok long yu.
Aposol 8:34-36
 - 4) God hemi save toktok long yu long olketa samting wea i hapen long laef blong yu. **1 Korin 16:8-9**
 - 5) God hemi save mekem wanfala enjel kam stori long yu, o mekem yu garem spesol drim, o som yu wanfala saen.
Aposol 5:19-20 God sendem wanfala enjel long olketa Aposol long prison fo mekem olketa fri.
Aposol 10:9-16 God hemi toktok long Pita long wanfala spesol drim.
[**Luk 2:9-10** Samfala enjel kam long samfala man wea i lukaftarem olketa sipsip.
Olketa enjel talemaot dat Kraes hemi bon kam.]
 - [**Aposol 16:25-30** God mekem wanfala etkuek fo mekem Pol an Saelas fri from prisin.]
 - [**Aposol 12:5-11** God hemi sendem wanfala enjel to mekem Pita fri from prisin.]
 - [**Aposol 9:3-4** God hemi toktok long Pol an Pol barava herem wetem ia blong hem.]
 - [**Eksodas 3:2** God hemi sendem wanfala enjel fo toktok long Mosis long faea wea hemi gohed fo laet long wanfala smolfala tri.]
 - [**Namba 22:28, 32** God mekem wanfala dongki toktok long Balam.]
 - 6) God save toktok long yu taem hemi mekem yu filgud an garem piis abaotem wanfala tingting. **2 Korin 2:12-13**
 - c. Taem yu tingting dat God hemi toktok long yu, yu mas testem tingting. ?Waswe, disfala tingting hemi falom toktok blong God long Baebol o nomoa? **Aposol 17:11**

3. Barava tingting raonem samting wea God hemi talem long Baebol.

a. **Sams 1:1-3 [Josua 1:8]**

b. Askem yu seleva: ?Wanem nao God hemi talem long mi olketa ves? **Filipae 4:8**
[Kolosi 3:16-17]

c. Wei fo tingting abaotem toktok blong God.

1) Askem Holi Spirit fo helpem yu wande tingting raonem toktok blong God. Askem hem fo somaot long tingting blong yu samting wea hemi tru. Askem hem fo helpem yu fo minim gudfala. **Jon 16:13; Jon 5:39**

2) Askem yu seleva olsem:

a) ?Wanem nao olketa ves i talem mi abaotem God?

b) ?Hao nao mi save falom olketa ves long laef blong mi? ?Wanem nao God hemi talem mi fo duim? ?Wanem nao God hemi promisim? ?Waswe, God hemi mekem mi luksave long samfala sin long laef blong mi?

4. Wosipim God, an talem long God olketa wei wea yu luksave hemi barava gud an yu laekem hem tumas.

a. Talem tengkiu long God fo wei blong hem an fo wanem hemi bin duim.

b. Diskaen wei fo wosipim God hemi samting yu mas duim evride.

1 Tesalonaeka 5:16-18

c. Sapos yu barava wosipim God, bae yu kaen long evriwan an trae fo stap gud wetem evriwan. **Matiu 12:7; Matiu 5:23-24**

d. Sapos yu wosipim God, bae yu lavem hem, an obeim hem, an duim waka blong hem.


C. Samfala wei fo yusim save blong disfala lesion long laef blong yu:

1. Yusim olketa toktok blong samfala ves long Baebol olsem prea blong yu. Traem diswan wetem **Sams 23**:

2. Mekem plan fo prea long deferen samting evride long wik. Hemi gud fo kipim wanfala eksasaes buk wea evride yu raetem tingting blong yu abaotem wanem yu tingse God hemi laekem yu fo prea long hem. An taem God hemi ansarem wanfala prea wea yu bin raetem long buk, raetem de hemi duim. Maet yu mekem plan olsem: Long Mande, prea fo famili blong yu. Long Tiusde, prea fo olketa fren blong yu. Long Wenesda, prea fo pipol long sios blong yu an fo olketa nara sios. Long Tosde, prea fo Solomon Aelan an gavman. Long Fraede, prea fo deferen kantri long wol.

3. Barava Tingting raonem toktok long **Filipae 4:6-7** an raetem wanem God hemi sei long olketa ves.

4. Raetem wanfala leta long God fo talem long hem wei wea yu lavem hem.



Wei Fo Kamap Fren Blong God 2
-- Prea long God

Prea long God (Matiu 6:9-13)

1.



Wosip
(ves 9)

2.



Askem God fo kamap king long
laef blong nara man. (ves 10)

3.



Prea fo nid blong yu
(ves 11)

4.



Talemaot sin an askem
hem fo fogivim yu (ves 12)

5.



Askem hem fo helpem yu no
foldaon long sin (ves 13)

Herem God Toktok Long Yu

Toktok long

1.


Baebol



2 Timoti 3:16-17

2.

maen



Aposol 8:29

3.

Pipol blong God



Aposol 8:34-36


4.

**Samting wea
hemi hapen**



1 Korin 16:8-9

5.



Enjel o drim

Aposol 5:19-20

Aposol 10:9-16

6.

**Fil gud an
garem piis
abaotem
tingting**



2 Korin 2:12-13

Testem olketa: Aposol 17:11

Leson 6

God Hemi Garem Plan Fo Pipol Hu Hemi Mekem Olketa Olsem Hem Seleva

- A. God hemi toktok, an toktok blong hem, hemi mekem san, mun, sta, disfala wol, si, an olketa kaen animol. Bat God hemi mekem man an woman long deferen kaen wei. Hemi mekem man from dasta blong graon an hemi mekem woman from rib blong man ya. Diswan hemi som dat pipol i spesol. Hemi mekem olketa fo tekem wei blong God an olketa i olsem God stret. ***Jemes 3:9b [Jenesis 1:26-28]*** Long olketa ves hemi klia dat:
1. God hemi garem maen fo tingting. ***Jenesis 1:1***
 2. God save mekem disisin. ***Jenesis 6:7***
 3. God hemi save filnogud, fil lav, fil kros an garem eni narakaen filing moa. ***Jenesis 6:6***
- B. Long trifala wei ya, pipol i olsem God:
1. Pipol garem maen fo tingting. ***Filipae 1:9***
 2. Pipol save mekem disisin an save siusim wei wea i stret o nomoa. ***Filipae 1:10***
 3. Pipol save filnogud, fil lav, fil kros, an garem eni narakaen filing moa. ***Filipae 4:4, 7***
- C. God hemi mekem pipol olsem:
1. Evriwan hemi deferen. Evriwan garem deferen wei blong hem, an God hemi givim deferen kaen spesol paoa long evriwan taem olketa kamap Kristin. ***Efesas 1:13; 1 Korin 12:7, 11***
 2. God hemi mekem pipol garem maen, an tingting fo mekem disisin, an samfala filing.
 - a. Pipol garem maen. ***Filipae 1:9*** Maen blong yumi mekem yumi save gohed olsem:
 - 1) Yumi save tingting.
 - 2) Yumi save mekem enikaen niu samting.
 - 3) Yumi save rimembarem wanem hapen bifo.
 - 4) Yumi save toktok.
 - 5) Yumi garem tingting wea hemi talem yumi wanem hemi stret o hemi no stret. ***Rom 2:14-15***
 - 6) Yumi barava save dat God hemi stap an save tu samfala samting abaothem hem. ***Rom 1:18-19***
 - b. Pipol save mekem disisin. ***Filipae 1:10***
 - 1) Diswan hemi minim dat yu save siusim wanem yu duim.
 - 2) Yu mas siusim wanem yu duim an wanem yu talem. Sapos nomoa, yu no save stagud wetem nara pipol o stagud wetem God. Sapos yu no save mekem disisin, yu olsem wanfala animol nomoa. ***Matiu 7:7-8***
 - c. Pipol save filim lav, fil kros, an garem eni narakaen filing moa.
 - d. Maen blong yu an tingting fo mekem disisin an olketa filing blong yu, trifala save waka tugeta fo mekem yu stagud wetem God an pipol. ***Kolosi 3:15-16***
 - e. Sapos yu lavem nara man, diswan hemi minim dat yu mekem disisin fo duim olketa nambawan samting long hem. ***Matiu 22:37-40; 10:41-42***
 3. Pipol i fri fo siusim wei fo lavem God o les long hem. ***Rom 1:21; Rom 3:22***
 4. God nating fevarem man, o woman, o eni traeb. Hemi no saet wetem wanfala man o seksin winim narawan. Taem God hemi gohed fo mekem disisin long pipol, hemi mekem stret gud. Evri man an woman i semsem long ae blong hem. ***Galesia 3:26-29***

D. God hemi mekem pipol bikos hemi garem plan fo olketa.


 1. God hemi plan fo pipol i stagud wetem hem an wetem nara pipol. ***Aposol 4:32-33; Kolosi 1:3-4***
 2. God hemi garem plan fo evri man an woman. ***Efesas 2:10***
 3. God hemi lavem pipol tumas. Olketa i barava impoten long hem. ***Jon 3:16; 1 Pita 1:17-19***

**God Hemi Garem Plan Fo Pipol, Hu
Hemi Mekem Olketa Olsem Hem Seleva**


**God hemi mekem pipol
olsem hem seleva:**

James 3:9

- 1. Maen**
Filipae 1:9
- 2. Disisin**
Filipae 1:10
- 3. Filing**
Filipae 4:4, 7



3. Filing




**?Waswe
God
hemi
mekem
pipol?**

Galesia 3:26-29

Aposol 4:32-33

Kolosi 1:3-4

Efesas 2:10 *God hemi plan fo yumi stap barava gud
wetem hem an nara pipol.*



**Yumi
barava
impoten
long
God.**

Leson 7

Lo Blong God An Lav

A. God hemi givim Tenkomannen fo som wei blong hem wea yumi mas falom. Sapos yu falom olketa, diswan bae mekem yu barava stap god. **Eksodas 20:1-17**

1. Fofala lo i talem wei wea yumi mas lavem God.
 - a. Yumi mas lavem God kaen wei wea hemi nambawan long laef blong yumi.
 - b. Yumi mas nating mekem eni nara samting nambawan winim God long laef blong yumi.
Sapos yu duim diskuen samting hemi olsem wosipim laea god nao.
 - c. Yumi mas no yusim nem blong God fo eni nogud samting olsem fo tokspoelem nara man, o mekem majik, o toksuea long hem.
 - d. Yumi mas stap kuaet long Sabat de fo res an fo onarem God, an trastem hem fo lukaftarem yumi.
2. Siksfala lo i talem wei wea yumi mas lavem nara pipol.
 - a. Olowe yu mas tinghae long dadi an mami blong yu.
 - b. Yu mas no kilim dae eniwan falom ravis plan.
 - c. Yu mas no brekem lo blong marit.
 - d. Yu mas no stil.
 - e. Yu mas no laea abaotem eniwan.
 - f. Yu mas no kavetem eni samting blong nara pipol.

B. Jisas hemi tisim pipol dat olketa no minim evrisamting abaotem Tenkomannen ya.

1. Sapos yu heitem wantok blong yu, yu brekem lo namba siks fo no kilim dae eniwan.

Matiu 5:21-22

2. Mekseven lo hemi talem fo no brekem lo blong marit. Bat sapos yu wande brekem lo ya insaet long tingting blong yu nomoa, long ae blong God yu brekem lo finis. **Matiu 5:27-28**


3. Lo blong God hemi talem dat yu mas lavem wantok blong yu olsem yu lavem yu seleva.

[Levitikas 19:18] Olketa Jiu bin talem olsem: yu mas lavem wantok blong yu an mas heitem enemi blong yu. Jisas hemi stretem diswan. Hemi talem long olketa wea yu mas lavem olketa enemi blong yu tu, an mas prea fo olketa. **Matiu 5:43-44**

C. God hemi mekem pipol fo falom samfala wei olsem:

1. Pipol save lavem God an God bae hemi lavem olketa. **Matiu 22:37-38**
2. Pipol save lavem olketa wantok blong olketa: **Matiu 22:39-40**

D. Sapos yu obeim evri lo ya, bat yu brekem wanfala nomoa, hemi olsem yu barava brekem evri lo ya nao. **Jemes 2:10**



E. Jisas hemi talem dat hemi kam fo mekem olketa lo blong God kamtru. **Matiu 5:17; Jon 8:46**


F. Jisas hemi minim dat yumi no holi bikos yumi no save falom olketa lo blong God. God hemi givim olketa lo fo lidim yumi, an hemi givim tu fo somaot long pipol dat God hemi barava holi fogud. Bat God hemi garem wei fo mekem pipol kamap holi.

1. Bikos taem yumi biliv, kaenfala lav blong God nao hemi sevem yumi. **Efesas 2:8-9**
2. God hemi givim kam fri long yumi. **Taetas 3:5-6**
3. ?Waswe, hemi oraet fo yumi gohed sin nomoa? !Nomoa ya! **Rom 6:15-18 [Rom 5:1-6]**
4. ?Wanem nao yumi mas obeim? Yumi mas obeim disfala lo blong lav. **Jon 15:12, 17**
5. ?Taem yumi Kristin finis, hao nao bae yumi save falom wei blong God? Yumi mas falom Holi Spirit an dipen long paoa blong hem fo helpem yumi obeim hem. **Galesia 3:2-3**
6. God hemi talem olsem: "Olketa strelfala pipol wea olketa biliv long mi, bae olketa garem tru laef." **Galesia 3:11** Diswan hemi minim tu dat yumi mas trastem God an olketa promis blong hem long disfala laef. Sapos yumi duim olsem, bae yumi stap gud wetem God long disfala wol an baebae stap wetem hem long heven tu.
7. God hemi mekem yumi fri from paoa blong sin. Dastawe distaem nao yumi save obeim hem. **Galesia 5:1**
8. ?Waswe, disfala faet wetem sin long laef blong yumi hemi finis nao? !Nomoa! **Galesia 5:16-18 [Rom 7:15, 19; Filipae 3:12-14]**
9. ?Hao nao yumi winim disfala faet? Leson 14 an 16 tok abaoatem diswan.

G. Wanfala wod nao hemi talemaot evri lo blong God: → LAV. **Rom 13:8-10 [1 Korin 13]**

1. Sapos yu lavem nara man, diswan hemi minim dat yu mekem disisin fo duim olketa nambawan samting long hem. **Matiu 22:37-40; 10:41-42**
2. Sapos yu lavem samwan, samfala taem maet yu mekem hemi filpein o filnogud lelebet fo helpem hem. Bat bae yu no spoelem hem. Wanfala eksampol long diswan hemi olsem, maet dokta hemi nilam yu taem yu sik. Bae yu filpein, bat hemi helpem yu long diswan. Hemi no spoelem yu. **Hibrus 12:5-6, 11**
3. Jisas hemi talem long yumi dat yumi mas lavem olketa enemi blong yumi, an mas prea fo olketa tu. **Matiu 5:44-45**

H. Yumi nidim help blong God fo barava lavem eniwan hu hemi enemi blong yumi. Yumi kanduit seleva. **Jon 15:4**



Eksodas 20:1-17

Matiu 5:21-22, 27-28, 43-44

Rom 13: 8-10

Matiu 5:17

Galesia 5:18

**Olketa Lo blong God i som yumi dat
yumi nidim God fo mekem yumi kamap holi.**

Leson 8

Seitan An Olketa Plan Blong Hem Fo Spoelem Pipol Blong God

A. ?Wanem nao Baebol hemi talem abaotem Seitan?

1. Seitan hemi nambawan enjel wea God hemi mekem. Hemi sin taem hemi kamap praod, dastawe hemi lusim ples blong hem. **Esikiel 28:14-15, 17 [Revelesin 12:7-9]**
 - a. Seitan hemi rulim disfala wol long distaem. **2 Korin 4: 4 [Jon 16: 7-11; Jon 12: 31]**
 - a. b. Seitan hemi goraon an lukaotem eniwan fo hemi spoelem. **1 Pita 5: 8; 2 Timoti 1: 7**
2. Seitan hemi dadi blong evri laea nao. **Jon 8:44**
 - a. Seitan hemi save mekem hem seleva fo luk olsem wanfala enjel blong laet. **2 Korin 11:14**
 - b. Seitan hemi spoelem olketa gud samting God hemi mekem fastaem. Dastawe plande pipol no falom stret wei blong God, bat olketa falom wei blong Seitan wea hemi no stret. An kaen ravis wei ya, bae i spoelem pipol hu i falom.

Eksampol	Stret Wei	Ravis Wei
Seks	slip wetem hasban o waef nomoa	slip wetem man o woman wea yu no marit long hem, or wea hemi marit long nara wan
Seleni	Yusim seleni fo olketa samting yu barava nidim	Lavem seleni tumas, kavetem samting wea no blong yu, grisim pipol

3. Plan blong Seitan fo yumi:

- a. Seitan hemi laek fo stilim gud samting blong yu, an kilim yu dae, an spoelem yu olowe. (Long disfala ves, man fo stil hemi tokpiksa long Seitan an olketa hu i falom hem.) **Jon 10:10**
- b. Seitan hemi olowe trikim olketa pipol long disfala wol. **Revelesin 12:9**

B. Seitan hemi save olketa samting dat yumi wandem an nidim, an hemi yusim olketa samting ya fo pulum yumi long sin. **Rom 1:21-23, 29-31**

1. Evri ravis samting wea bodi hemi save laekem tumas **1 Jon 2:16**
2. wanem pipol laekem bikos hemi luknaes tumas **1 Jon 2:16**
3. wanem pipol i praod tumas long hem **1 Jon 2:16**
4. Fraet **Matiu 10:28**

Seitan hemi trae fo mekem pipol no stap gud wetem nara pipol an mekem pipol no stap gud wetem God.


5. Seitan hemi trae fo mekem pipol long wanfala famili no stap gud tugeta an hemi trae fo mekem olketa fren no stap gud tugeta. **Jemes 3:9-10**
6. Seitan hemi trae fo mekem pipol blong wanfala sios no stap gud tugeta, an hemi trae fo mekem pipol blong wanfala sios no stap gud wetem pipol blong nara sios o wetem nara dinominesin. **Jemes 3:14-18**

C. God hemi garem nambawan plan wea hemi laekem yumi fo falom, mekem yumi stap gudfala olowe. **Jeremaea 29:11**

?Hu nao bae winim disfala faet wetem Seitan? **Rom 8:37-39**

Wanem nao Baebol hemi talem abaotem Seitan?

- God hemi mekem Seitan: Esikiel 28:14-15, 17
- Seitan hemi rulim disfala wol long distaem: 2 Korin 4:4
- Seitan hemi goraon an lukaotem eniwan fo hemi spoelen: 1 Pita 5:8




1 Pita 5: 8 "Yufala mas redi an lukaot gudfala. Bikos enem blong yufala
Seitan hemi olsen wanfala laeon wea hemi hanggre tumas, wea hemi
goraon an singaot bikfala. Hemi gohed fo lukaotem eniwan fo hemi



" Plan blong Seitan
fo mekem yu fraet.



**“Spirit wea God hemi
givim kam long yumi,
hemi no mekem yumi
fraet...” 2 Timoti 1:7**

1.8b Seitan An Olketa Plan Blong Hem Fo Spoelem Pipol Blong God



**Seitan hemi
barava dadi blong
evri laea nao.**

Jon 8:44



**Seitan hemi save
mekem hem seleva
fo luk olsem wanfala
enjel blong laet.**

2 Korin 11:14

Seitan hemi save olketa samting dat yumi wandem an nidim,
an hemi yusim olketa samting ya fo pulum yumi long sin.


Rom 1:21-23, 29-31

1. Taem yu les long tru samting blong God,
tingting blong yu laek falom isi wei blong sin.

3. Yu lavem sin an nogud wei

4. Bae Seitam
Speelem yu fogud.


2. Yu kamap
bikhed tumas



Olketa Plan Blong Seitan Fo Spoelem Yu


1.

1 Jon 2:16



2.

Yu laekem samting bikos
hemi luknaes tumas



Evri ravis samting wea bodi
hemi save laekem tumas –
seks, drang, kaikai, seleni

3.

Yu laekem paoa an
wande kamap
bikman



4.

Yu
fraet

Matiu 10:28

5.

Mekem pipol no
stap gud tugeta



Jemes 3:9-10

6.

Olketa pipol blong God
no stap gud tugeta



Leson 9

?Waswe Yumi Sin?

A. Jisas hemi tokagensim olketa Farasi bikos olketa save laea tumas. ?Olketa laea abaotem wanem?

1. **Matt. 23:1-12**
2. **Matt. 23:15-17**
3. **Matt. 23:27-28**

B. Stori abaotem wanfala Farasi an wanfala man fo tekem taks. **Luk 18:9-14**

1. ?Jisas talem disfala tokpiksa long hu ya? (ansa long ves 9)
2. ?Wanem nao disfala Farasi hemi tok tengkiu long God abaotem? (ansa long ves 11-12)
3. ?Wanem nao disfala man fo tekem taks hemi talem long God? (ansa long ves 13)
4. ?Wanem nao Jisas hemi talem abaotem disfala tokpiksa long ves 14?

C. Samfala samting wea Jisas hemi talem abaotem maen blong man:

1. Wanem hemi kamaot long maen blong man, hem nao hemi save mekem man fo no klin. **Mak 7:17-23**
2. God hemi barava save wanem nao evri man hemi tingim. **Luk 16:15**
3. Tokpiksa abaotem gudfala tri and ravis tri hemi somaot wei blong gudfala man an ravis man. **Luk 6:43-45**

D. Yumi save lukim sapos wanfala man hemi falom wei blong God o nomoa:

1. Olketa wei blong man fo sin **Galesia 5:19-21**
2. Olketa gudfala wei blong Holi Spirit **Galesia 5:22-26**

E. Hemi gud fo evriwan tingabaotem olketa samting blong disfala lesion an prea. Ridim olketa ves long Sams an yusim long prea blong yu.


1. **Sams 139:23-24**
2. **Sams 51**

- Hemi gud sapos tisa somaot wei fo yusim wanfala Sams olsem wanfala prea. Wanfala eksapol stap hia long Sams 23.

Sams 23


Yawe mi save dat Yu gohed fo lukaftarem mi gudfala olsem mi wanfala sipsip blong Yu, so mi no sot long enisamting. 2 Oltaem Yu gohed fo mekem mi res gudfala long ples wea hemi garem plande gudfala gras long hem. Yu lidim mi go long olketa kuaet ples wea hemi garem gudfala wata long hem. 3 Yu mekem mi fo filstrong moa, an Yu gohed fo lidim mi long olketa strelfala wei, bikos wei blong Yu nao hemi barava strel. 4 Lod Yawe, nomata mi gotru long ples wea hemi barava tudak an hemi ples blong dae tu, mi nating save fraet nomoa bikos Yu stap wetem mi an yu lukaftarem mi wetem stik blong Yu. **Long disfala ves long Hibru Baebol, hemi tokabaotem tufala deferen kaen stik. Wankaen hemi strongfala stik fo faetem olketa wael animol, an narakaen hemi longfala stik fo kontrolem olketa sipsip.** 5 Yu mekredi long wanfala fist fo mi long ae blong olketa enemi blong mi. Yu welkamem mi olsem mi wanfala bikman wea mi kam long haos blong Yu. Laef blong mi hemi olsem wanfala kap wea Yu fulumap an hemi barava fulap fogud. 6 Oltaem long laef blong mi, mi save dat Yu gud tumas long mi, an Yu lavem mi, an haos blong Yu bae hemi hom blong mi olowe nao.

Evri Samting Man Hemi Duim, Hemi Kamaot Long Maen Blong
Uan



God hemi save nomoa long maen blong evriwan
Luk 16:15

“Evri ravis samting, hemi kamaot long insaet long maen blong man, an hem nao hemi save mekem man fo no klin.” Mak 7:23





Leson 10

Sin Hemi Barava Spoelem Pipol

- A. Toktok blong God hemi stori abaotem olketa hu i sin an wei blong maen fo sin
1. **Rom 1:21**
 2. Evriwan hu i brekem lo: **1 Jon 3:4**
 3. Olketa hu i tingim olketa seleva nomoa an i les long wanem hemi tru: **Rom 2:8**
 4. Eniwan hu hemi save long wanem hemi tru bat hemi no duim: **Jemes 4:17**
- B. Hao nao sin hemi stat kam long disfala wol.
1. Hao sin hemi stat kam long wol blong olketa spirit yu save ridim long **Aesaea 14:12-14**. Olketa ves ya i stori abaotem King blong Babylon, bat nara mining blong hem hemi stori abaotem Seitan tu.
 2. Hao sin hemi stat kam long pipol, yu save ridim long **Jenesis 3:1-6**
- C. Olketa wei blong sin i klia tumas
1. durong wetem eniwan, wosipim olketa laea god, yusim grnlif long majik, stap enemi, raoa, joles, kros, tingim yu seleva nomoa, drang tumas: **Galesia 5:19-21**
 2. Olketa sin mekem God filsore. **Aesaea 5:1-4, 7**
- D. God hemi laek fo givim stretfala holi wei long yumi. Hemi no wandem yumi fo trae fo mekem yumi seleva stret an holi, bikos hemi save dat yumi no save duim seleva.
1. Hemi fit fo God panisim yumi evriwan bikos yumi sin. **Rom 3:9-11**
 2. No eniwan save kamap stret bikos hemi obeim Lo, bat God hemi somaot deferen wei fo mekem pipol stret long ae blong hem. **Rom 3:21-26**
 3. Yumi save siusim fo biliv long San blong God o fo no biliv long hem. Taem yu biliv long hem, bae yu save falom wei blong hem. **Jon 3:16-18**
 4. God hemi mekem Kraes nao fo karim sin blong yumi. Hemi panisim Kraes bikos hemi karim sin blong yumi. Dastawe nao hemi mekem yumi hu i stap joen wetem Kraes fo kamap stret olsem God. **2 Korin 5:21**
 5. Taem Kraes hemi dae long kros, hemi karim olketa sin blong yumi long bodi blong hem. **1 Pita 2:24**
 6. Kraes hemi mekem yumi fri finis from disfala wei blong Lo fo panisim yumi **Galesia 3:13**
 7. Yufala mas tingim gud dat God hemi save sore an kaen tumas, bat hemi save jajem yumi tu. **Rom 11:22**

**Hemi fit fo
God hemi
panism yumi
evriwan.**

Rom 3:9-11
Rom 3:21-26
Jon 3:16-18



2 Korin 5:21
1 Pita 2:24
Galesia 3:13
Rom 11:22

**Samfala wei wea
sin hemi spoelem
pipol - hemi
mekem olketa:**

*fil nogud,
durong wetem eniwan,
wosipim olketa laea god,
yusim grinlif long majik,
stap enemi, raoa,
joles, kros,
tingim olketa seleva nomoa,
kavetem, drang tumas,
mekem God filsore.*

*Galesia 5:19-21
Aesaea 5:1-4, 7*

Leson 11

God Somaot Kaenfala Lav Blong Hem Long Wei Hemi Laek Fo Sevem Pipol

A. ?Hao nao yumi stap bifoaa God hemi somaot kaenfala lav blong hem long yumi?

1. Hemi gud fo save dat bifoaa God hemi sevem yu, yu fit nomoa fo go long hel. Long ae blong God, yu barava ravis fogud. Yu fulap long sin an no eni gud samting stap long laef blong yu. Sapos yu savegud long disfala tru samting, den bihaen hemi barava klia dat God hemi kaen tumas taem hemi laek fo sevem yu.
 - a. Plande pipol wea God no sevem yet i tingse dat olketa i gudfala an olketa garem lelebet sin nomoa. Bat diskauen tingting hemi barava no stret.
 - b. Long **Jeremaea 17:9** God hemi talem yumi olsem:
 - c. Bat nomata haat an maen blong pipol hemi olsem, God save sensim pipol an givim olketa niufala tingting. **Esikel 36:26**

B. God hemi lavem pipol tumas an hemi barava wande fo fogivim pipol.


1. God hemi lavem pipol fogud. Hemi somaot diswan taem hemi sendem Jisas fo safaa dae fo sevem yumi. **Matiu 27:26-30, 35-44; Jon 10:17-18 [Rom 5:6-8]**
2. Fo yumi stap gud moa wetem God, hemi mas aotem disfala sin long laef blong yumi fastaem. Hemi mas duim olsem bikos sin hemi no letem yumi stap gud wetem God. Dastawe yumi mas go long Jisas an askem hem fo fogivim yumi. **Jon 5:39-40; 6:35-37**

C. God hemi redi fo fogivim pipol an hemi barava wande fo fogivim pipol.

1. ?Wanem nao hemi minim taem Baebol hemi sei dat God hemi fogivim yumi?
 - a. **Revelesin 1:5b-6a**
 - b. God hemi fogivim yumi. Diswan hemi minim olsem:
 - 1) God no talem moa dat yumi duim eni rong samting. An yumi no fit fo panis.
 - 2) God bae hemi no panisim yumi fo sin, an talem dat yumi fri an no peim nao eni samting fo sin blong yumi.
 - 3) God hemi no talem dat yumi mas peim hem kompensesin bikos yumi duim rong samting.
 - c. Taem God hemi fogivim yumi, hemi no tingim moa olketa sin blong yumi. **Hibrus 8:12**
2. Samfala toktok blong God somaot dat hemi barava wande fo fogivim pipol
 - a. **2 Korin 5:21**
 - b. **Galesia 3:13**
 - c. **2 Pita 3:9 [1 Timoti 2:3-6; Taetas 2:11]**
 - d. **[Jon 3:16-17]**

D. Bikos God hemi kaen tumas, hemi kolem yumi fo stap hambol an sensim tingting blong yumi nao an gohed falom wei blong hem.

1. No eniwan fosim God fo fogivim yumi an sevem yumi. Bat hemi duim diswan bikos hemi lavem yumi an hemi kaen tumas.
 - a. Kaenfala lav God, diswan hemi minim dat hemi laek fo blesim pipol an sevem olketa an givim gudfala samting long olketa, nomata olketa sin an nating lavem God.
 - b. **Efesas 2:8-9**
2. Bikos God hemi kaen tumas, hemi kolem yumi fo sensim tingting blong yumi an lusim olketa ravis wei blong sin blong yumi. **Rom 2:4**
3. God hemi no les long yu. Hemi olowe weit long yu fo sensim tingting blong yu. Sapos yu mekem samfala nogud disisin, diswan hemi no mekem hem les long yu. Hemi no letem yu ranawe from hem.
 - ?So wanem nao ansa blong yu long diswan? Tingting abaoatem wanem God hemi duim finis fo sevem yu. ?Wanem nao bae yu duim bikos hemi kaen tumas long yu?
4. Stori blong Hosia an Goma (wanfala stori abaoatem wei God hemi somaot kaenfala lav).
 - a. **Sams 103:1-5** God hemi sevem yumi from dae olowe long hel.
 - b. **Hosia 1:1-10**
 - c. **Hosia 11:1-4, 7-9, 12** God hemi ka-krae bikos pipol blong hem i les long hem. Hemi sei, “?Hao nao bae mi save finis from yufala? !Yufala i pipol blong mi nao!”
 - d. God hemi peimaot yufala finis an praes wea hemi peim nao hemi bikfala tumas. Disfala praes hemi dae blong san blong hem nao.
 - e. **Matiu. 27:26-30; 35-44** Olketa traem Jisas an nilam hem go long kros fo dae.
 - f. **Jon 10:17-18** Jisas hemi no les fo dae fo yumi. Hemi wande duim bikos hemi lavem yumi.




**Plande pipol tingse dat
olketa i gudfala an
olketa garem lelebet sin
nomoa. Bat diskaen
tingting hemi barava
no stret.**

**“Tingting blong man hemi
olsem ravis sik wea no
eniwan save kiurim. Ya, haat
blong man hemi fulap nomoa
long laea. ?Hu nao hemi
savegud long haat blong
man?” Jeremaea 17: 9**




**God save sensim pipol an
givem olketa niufala tingting:**



*Bae mi mekem laef blong yufala fo
kamap niu moa. An bae mi givim
niufala tingting long yufala, mekem
yufala wosipim mi nomoa. Bae mi
tekemaot olketa ravis tingting blong
yufala wea hemi mekem yufala bikhed,
an bae mi givim gudfala tingting long
yufala mekem yufala save obeim mi.
Esikiel 36:26*


L11b God Somaot Kaenfala Lav Blong Hem Long Wei Hemi Laek Fo Sevem Olketa



Matiu 27:26-30; 35-44

Jon 10:17-18

God Somaot Kaenfala Lav Blong Hem Long Wei Hemi Laek Fo Sevem Olketa



**2 Korin 5:21
Galesia 3:13
2 Pita 3:9
Rom 2:4**

Leson 12

?Taem Baebol hemi sei, “God hemi sevem man,” wanem nao diswan hemi minim?

- A. Sapos yu wande God fo sevem yu, yu mas duim tufala samting. Yu mas lusim ravis wei blong yu bifoan an yu mas biliv long Jisas. **Mak 1:14-15 [Aposol 20:20-21]**
1. Long Ingglis yumi garem disfala wod “repent.” ?Bat wanem nao disfala wod hemi barava minim?
 - a. “Repent” hemi minim yu mas sensim tingting blong yu. Long bifoan, yu tingim ravis samting an falom ravis wei. Taem yu “repent” yu sensim tingting fo falom wei blong Jisas nomoa an fo obeim toktok blong God long Baebol.
 - b. Jon Baptae hemi tisim pipol wea olketa mas somaot long niukaen wei blong olketa dat olketa barava lusim olketa ravis wei nao. **Matiu 3:1-2, 7-8**
 - c. God bae sensim yu, mekem wei blong yu olowe falom wei blong hem. **Efesas 4:20-24**
 2. ?Taem Baebol hemi talem yu mas biliv long Jisas, diswan hemi minim wanem?
 - a. Taem yu talem yu biliv long Jisas, hemi minim dat yu trastem hem fo sevem yu, an dat yu bilivim toktok blong hem an toktok blong God long Baebol, an yu promisim hem fo obeim datfala toktok blong God an falom wei blong hem.
 - b. Olketa samting wea yu duim, olketa i no save sevem yu. Waka blong Kraes wea hemi dae long kros, diswan nomoa hemi save sevem yu. **Efesas 2:8-9; 2 Korin 5:15; Rom 6:22-23**
- B. No mata gudfala waka blong yu no save sevem yu, bat God hemi sevem yu so bihaen yu save duim gudfala waka.
1. God hemi mekredi samfala gudfala waka wea hemi laekem yu fo duim long laef blong yu.
Efesas 2:8-10
 2. God hemi planem fo yumi kamap wankaen wetem San blong hem. **Rom 8:28-29**
 3. God hemi tekemaot sin blong yumi. Hemi givim kam long yumi niufala haat an maen wea olketa i holi an gud.
 - a. Long Ingglis Baebol hemi garem wanfala tokpiksa wea hemi sei blad blong Kraes hemi wasim sin blong yumi, mekem yumi klin nao. Bat long disfala tokpiksa, disfala wod blad hemi minim Kraes hemi dae long kros. Yumi no barava was long blad. Taem Jisas hemi dae, God hemi panisim sin blong yumi evriwan. An taem yumi biliv long Jisas, God hemi joenem yumi long hem an givim kam long yumi niufala haat wea sin hemi no stap. Dastawe long sotfala wei yumi save talem nomoa dat blad blong Kraes hemi tekemaot sin blong yumi. **Reveleson 1:5 [Hibrus 1:3]**
 - b. God hemi no jajem yumi moa an sei yumi rong. **Rom 8:1**
 - c. God hemi givim niufala laef long yumi. **Efesas 4:22-24 [Taetas 3:5; Jon 3:3]**
 4. Taem God hemi sevem yumi, hemi adoptem yumi mekem yumi barava pikinini blong hem.
 - a. **Galesia 4:4-6 [Efesas 1:5]**
 - b. An bikos yumi pikinini blong hem, God bae hemi givim yumi tu wanem hemi bin promisim finis.
Galesia 4:7; Rom 8:17
 - c. Hemi olsem wea yumi dae wetem Kraes long kros. Dastawe nao yumi save garem niufala kaen laef.
Galesia 2:20
 - d. Holi Spirit hemi stap insaet long yumi. Diswan hemi olsem Jisas hem seleva stap wetem yumi.
Jon 14:16-18
 - e. Yumi save obeim Jisas olowe bikos Holi Spirit hemi helpem yumi. **Galesia 5:16**
- C. ?Taem yu barava “repent,” wanem nao yu duim?
1. Yu talem long God wea yu barava save dat yu garem sin, an yu talemaot olketa sin blong yu long hem.
1 Jon 1:8-9
 2. Yu barava les fo duim sin an yu lusim evri ravis wei blong yu. **Esikiel 18:30-32; Rom 6:1-2**
 3. Yu promisim God wea bae yu obeim toktok blong hem olowe. **Aposol 26:20**
- D. Samfala eksampol long Baebol long pipol wea olketa i sensim tingting an lusim ravis wei blong olketa.
1. Man fo tekem taks **Luk 18:13-14**
 2. Olketa pipol wea herem toktok blong Pita long Pentekos **Aposol 2:37-38**
- E. ?Watkaen biliv save sevem yu?
1. Diskaen biliv no save sevem yu: **Jemes 2:19**
 2. Yu mas barava biliv God hemi mekem Jisas laefbaek moa from dae, an no les fo talem diswan long nara pipol. **Rom 10:9-10**
 3. Taem yu biliv, den bihaen Kraes hemi niu masta blong yu, an bae yu falom wei blong hem nomoa.
2 Korin 5:15
 4. Taem yu biliv, yu promisim God fo obeim toktok blong hem an Holi Spirit. **Rom 6:16-19**
 5. Sapos yu barava biliv long Jisas, bae yu duim olketa gudfala waka wea somaot biliv blong yu.
Jemes 2:14-17

L.12 ?Taem Baebol hemi sei, "God hemi sevem man," wanem nao diswan hemi minim?

God hemi sevem yu. ?Wanem nao hemi minim?

Sensim tingting

Lusim olketa ravis wei blong yu

1.



Olketa ravis wei
blong yu i mas dae
nao.

Matiu 3:1-2, 7-8
Efesas 4:20-24

BIIIIV

2.



Jisas hemi
King ovarem
laef blong yu
an bae yu
obeim Hem


3. God hemi tekaotem sin
blong yu an givim
niufala haat long yu



Revelesin 1:5
Rom 8:1
Efesas 4:22-24

4. God hemi adoptem
yu, mekem yu
pikinini blong
hem.

Galesia 4:4-6
Galesia 4:7
Galesia 2:20



Holi Spirit hemi
stap insaet long
yu an Jisas stap
wetem yu.
Jon 14:16-18

Holi Spirit
helpem yu fo
obeim Jisas
olowe.
Galesia 5:16


Leson 13

Olketa Wei Blong Olketa Kristin

- A. Olketa stap gud wetem Papa God an wetem San blong hem Jisas Kraes. **1 Jon 1:1-3** Sapos yu garem samfala wei blong laet long yu, yu save yu barava stap gud wetem God. Olketa wei i olsem:
1. Sapos yu stap gud wetem God, den yu falom wei blong laet olsem God hemi long laet. (Laet hemi wanfala tokpiksa wea hemi minim gudfala wei blong God wea hemi stret an holi an somaot lav an hemi olowe somaot wanem nao barava tru.) **1 Jon 1:6-7**
 - a. Yu bae kamap man o mere blong laet. **Jon 12:36**
 - b. Taem yu falom wei blong laet blong God, frut blong diswan hemi olsem: Hemi mekem olketa samting wea hemi gud an hemi stret an hemi tru fo kamap. **Efesas 5:8-9**
 2. Sapos yu stap gud wetem God, yu duim wanem God hemi talem. **1 Jon 2:3-6**
 - a. Yu obeim God bikos yu lavem hem. Sapos yu no obeim hem, diswan hemi somaot wea yu no barava lavem hem.
 - b. Sapos yu lavem God an obeim hem, den disfala samting bae hapen long yu: **Jon 14:21**
 3. Sapos yu stap gud wetem God, yu lavem olketa nara Kristin an olketa wantok blong yu. **1 Jon 2:9-11**
[**Jon 3:10-11, 14-18; 1 Jon 4:20-21**]
 - a. ?Hu nao barava wantok blong yu wea yu mas lavem? **Luk 10:29-37**
 - b. Taem yu lavem man (o mere o pikinini) wetem lav blong God, yu duim samting barava gud long hem.
 4. Sapos yu stap gud wetem God, yu no lavem wei blong disfala wol an olketa samting blong disfala wol.
1 Jon 2:15-17
 - a. Long olketa buk wea Aposol Jon hemi raetem long Baebol, plande taem disfala wod "wol" hemi minim olketa ravis wei blong pipol blong sin, o olketa risis wea pipol trae fo tekem, o seleni, o paoa, o enikaen samting wea pulum yu fo no falom wei blong God.
 5. Sapos yu stap gud wetem God, yu joen tugeta wetem hem an San blong hem. **1 Jon 2:24**
 - a. Sapos yu joen olowe long Jisas, yu bae olowe herengud wanem nao hemi talem yu long Baebol an long prea, den yu obeim hem. An yu gohed fo tok long hem long prea tu. Yu stap gud wetem hem olsem yu stap gud wetem fren blong yu. **Jon 15:4-7**
 - b. Sapos yu joen olowe long Jisas, bae yu garem staka frut. Diswan hemi minim bae yu duim staka gud samting fo helpem pipol save long Jisas, an lidim olketa fo trastem Jisas fo sevem olketa, an tisim olketa wei blong Jisas fo olketa falom, an somaot wei blong Jisas long laef blong yu, mekem pipol wea save long yu presim God. **Jon 15:4-5; [Jon 8:31-32; 15:7]**
 6. Sapos yu stap gud wetem God, Holi Spirit bae hemi stap wetem yu. **1 Jon 4:13**
 - a. Sapos Holi Spirit hemi stap wetem yu, bae hemi toktok long maen blong yu, talem yu olsem yu barava pikinini blong God nao. An hemi helpem yu fo prea go long God, wea hemi nambawan dadi blong yu. **Rom 8:14-16**
 7. Sapos yu stap gud wetem God, yu olowe duim wanem hemi stret. **1 Jon 3:10**
 - a. Wei blong pikinini blong God hemi olsem: Olketa olowe duim wanem hemi stret, nomata hemi had tumas, nomata no eniwan i lukim, an nomata waka hemi smolfala samting. **Luk 16:10 [Taetas 2:7]**
 - b. Sapos yu stap gud wetem God, yu olowe talem wanem hemi barava tru. Yu no talem laea, nomata hemi smolfala samting, an nomata laea hemi mekem nara man hapi fo herem. Yu no talem "ies" taem yu barava les. An yu no laea long bikfala samting tu. An yu no talem samting wea yu no barava save sapos hemi tru or nomoa bikos yu no lukim seleva, olsem nao gosip. **Efesas 4:25**
 8. Sapos yu stap gud wetem God, yu winim nogud wei blong disfala wol. **1 Jon 5:4-5**
 - a. Jisas hemi winim disfala wol finis. An yu garem paoa blong hem insaet long yu. Dastawe yu save stap gud an no warl longenisamting. **Jon 16:33**
 - b. Yu save winim Setan long paoa blong dae blong Jisas, wea hemi olsem wanfala smolfala sipsip fo sakrifaes fo tekem awe sin blong yu. Taem yu talemaot tru samting abaotem blad blong Jisas (wea hemi minim dae blong hem long kros) yu winim Setan an winim paoa blong hem an winim sin. **Reveleson 12:11**
- B. Sapos yu falom olketa gudfala wei, yu barava save wea yu garem disfala tru laef wea hemi no save finis.
1 Jon 5:13
- C. Bikos yu stap gud wetem God, yu save dat hemi save givim wanem nao yu askem long hem.
1 Jon 5:14-15

Olketa Wei Blong Olketa Kristin

1 Jon — Wei fo save dat yu barava stap gud wetem God



Leson 14

Wei Fo Faetem An Winim Olketa Devol Wea Olketa I Trae Fo Mekem Yu Gorong O Trae Fo Spoelem Yu An Bilih Blong Yu

- A. Yumi stap long disfala wol wea yumi save lukim, bat yumi stap tu long wanfala wol wea yumi no save lukim, wea olketa devol an enjel i stap. Nomata yumi no lukim, olowe olketa devol an enjel stap raonem yumi.
1. Samfala nating bilivim long olketa devol o long olketa enjel. Bat olketa devol an olketa enjel i barava stap.
 2. Olketa devol i faetem yumi olowe. **Efesas 6:12**
 3. Nambawan wei wea Setan an olketa devol olketa i trae fo spoelem yumi hemi olsem: Olketa i trae fo trikim yumi fo biliv long olketa laea wea olketa putum long tingting blong yumi. Taem Baebol hemi stori abaothem wei blong Setan, staka taem hemi tru samting abaothem olketa narafala devol tu, bikos Setan hemi bos blong olketa devol an olketa evriwan i duim sem kaen waka.
 - a. Setan hemi man fo laea an hemi barava dadi blong evri laea nao. **Jon 8:44**
 - b. Taem Setan o wanfala devol hemi trae fo trikim yu, hemi talem samfala samting wea yu save hemi tru. Bat hemi miksim tru samting wetem laea fo trikim yu, mekem yu bilivim samting wea hemi no tru. **Matiu 4:5-7**
 - c. Setan save mekem hem seleva fo luk olsem wanfala enjel blong laet. Diswan hemi minim dat Setan an olketa devol an olketa pipol wea i falom wei blong Setan, olketa save mekem olketa seleva lukluk olsem olketa i gudfala. Olketa save mekem tingting blong olketa here olsem hemi tru samting. **2 Korin 11:14 [Matiu 24:24]**
 4. Bat Jisas hemi kam long disfala wol fo spoelem waka blong Setan an fo winim hem.
1 Jon 3:8
- B. Hemi impoten samting fo yu save hu nao enemi blong yu an save tu olketa wei blong hem.
1 Pita 5:8-9 [1 Jon 5:19; 2 Tesalonaeka 3:3]
1. Hemi impoten fo yumi save plan blong Setan an wei wea hemi trae fo spoelem yumi.
 2. Setan hemi garem difren plan an samfala difren wei long difren ples.
- C. Hemi gud fo yu barava save wea paoa blong God hemi stap fo helpem yu. **Kolosi 1:13; 1 Jon 4:4 [Luk 1:37; Efesas 5:8-10]**
1. Setan hemi wanfala enjel nomoa wea God hemi mekem hem an bihaen hemi gorong. Setan hemi no garem paoa olsem God.
 2. Yumi save trastem paoa blong God wea hemi laek fo givim kam long yumi fo helpem yumi.
- D. Wei fo yumi faetem Setan an olketa devol wea i laek fo spoelem yumi. **1 Pita 5:8-9**
1. Hemi gud fo save dat olketa devol toklaea olowe long tingting blong yu. Olketa trae fo trikim yu fo gorong.
 - a. Hemi gud fo save evri wei blong yu wea hemi isi fo Setan pulum yu fo durong. Den yu save planem samfala wei fo yu no foldaon taem Setan hemi pulum yu long samfala samting wea hemi isi fo yu falom.
 - b. Taem yu laekem tumas samfala ravis samting, hemi pulum yu long sin. **Jemes 1:14**
 2. Yufala mas werem evrisamting fo faet wea God hemi givim kam long yufala, mekem yufala save fit fo stopem olketa ravis plan blong Setan. Bat diswan hemi wanfala tokpiksa nomoa. Fo werem evrisamting fo faet wea God hemi givim kam long yufala, hemi minim olsem: Yu mas barava save toktok blong God wea hemi talem tru samting long yu, bikos olketa tru samting bae helpem yu luksave long olketa laea wea Setan an olketa devol laek fo trikim an spoelem yu. **Efesas 6:10-13 [Jemes 4:7]**


- a. **Efesas 6:14** Diswan hemi tokpiksa abaotem soldia blong Rom. Kaleko blong hem hemi longfala olsem dres. Strap wea hemi werem hemi holem kaleko hae lelebet mekem kaleko no kavam olketa leg blong hem, mekem hemi isi fo soldia ran kuiktaem. Disfala tokpiksa hemi minim yumi mas lanem olketa tru samting wea Baebol hemi tisim an luksave dat olketa i barava tru nao. Yu mas bilivim dat hemi tru nomata olketa lukluk olsem olketa no agri wetem filing blong yu o wetem tingting blong yu. Sapos yu bilivim toktok blong God olsem, hemi no letem olketa devol trikim yu wetem laea blong olketa. Den yu barava save wei wea God hemi laekem yu fo duim nomata wanem nao hemi hapen long yu. Yu redi olowe fo falom wei blong God kuiktaem.
- b. **Efesas 6:14** Disfala spesol sote blong faet, blong soldia blong Rom, olketa wakem long aean o skin blong bulumakao wea hemi strong tumas. Disfala sote no letem olketa aro kasem soldia. Disfala tokpiksa hemi minim olsem yu mas bilivim olowe wanfala tru samting wea Baebol hemi tisim, wea hemi talem dat yu nao barava stret long ae blong God. Diswan hemi nating dipen long wanem nao yu duim. Hemi bikos yu biliv long Jisas an Jisas nomoa mekem yu stret long ae blong God. Taem yu rimemba diswan, Setan no save trikim yu wetem laea blong hem, wea hemi talem dat yu no fit fo God hemi lavem yu bikos wei blong yu hemi no gud. Sapos yu bilivim disfala laea blong Setan, den hemi isi fo yu fil nogud an diswan hemi mekem yu les fo falom wei blong God an les fo biliv long hem. Yu mas bilivim disfala tru samting, wea yu nao barava stret long ae blong God an God hemi lavem yu tumas, nomata yu foldaon long sin.
- c. **Efesas 6:15** Olketa soldia blong Rom werem spesol kaen sandol wea i helpem olketa fo no foldaon taem hemi faet. Aposol Pol hemi sei dat diswan hemi tokpiksa abaotem Gudnius blong piis wea Baebol hemi tisim abaotem Jisas an wei fo stap gud wetem God long piis. Taem yu save disfala mesij abaotem wei fo Jisas sevem pipol, an yu bilivim, an yu save talem long pipol, diswan hemi save helpem yu. Faswan, hemi helpem yu rimemba wea yu stap gud wetem God an hemi lavem yu tumas. Taem Setan hemi trae fo spoelem yu, disfala mesij hemi helpem yu fo no foldaon long biliv blong yu. Bae yu no fraet an bae yu no tingse God hemi no lavem yu. Mektu samting, taem yu talem disfala mesij long pipol, samfala bae bilivim. Long diskaen wei, yu mekem samfala pipol fri wea bifoa olketa i olsem long prisin blong Setan. Taem yu talem mesij abaotem Jisas, yu barava faet agens Setan an yu winim hem. An taem samfala biliv long disfala mesij, hemi mekem biliv blong yu kamap strong tu. **1 Pita 3:15b**
- d. **Efesas 6:16** Disfala tokpiksa hemi minimse dat yu mas rimemba wea Jisas hemi promis fo stap wetem yu olowe [**Matiu 28:20b, Jon 14:16-18, 23**] an bae God hemi helpem yu olowe, nomata nogud samting hemi hapen long yu. [**Rom 8:28**] Aposol Pol hemi promis dat taem Setan hemi pulum yu long sin, bae God hemi no letem enisamting fo traem yufala wea hemi save winim paoa blong yufala. Bikos taem enisamting hemi traem yufala, bae God hemi helpem yufala fo gohed stanap strong, mekem yufala save faendem wei fo win. [**1 Korin 10:13**] Taem yu bilivim promis ya, diswan hemi helpem yu fo win long faet wetem Setan taem hemi trae fo spoelem yu wetem laea an nogud samting blong hem. Bae hemi trae fo trikim yu, mekem yu bilivim God hemi no stap wetem yu fo helpem yu, an hemi no lavem yu tu.
- e. **Efesas 6:17** Disfala tokpiksa hemi minimse yu mas rimembarem wea Jisas hemi sevem yu finis nao. Hemi winim Setan finis an hemi sevem yu from paoa blong sin an paoa blong dae. Paoa blong Jisas hemi stap insaet long yu fo helpem yu falom wei blong God an no falom wei blong sin. Setan hemi faetem yu. Hemi trae fo pulum yu long sin, bat yu barava save nao baebae yu winim faet. Bae yu winim bikos Jisas hemi winim finis an Jisas hemi stap insaet long yu. Dastawe yu mas les long olketa ravis tingting wea Setan hemi trae of mekem yu tingim. Olsem hemi laek fo mekem yu fo fil nogud taem yu sin, mekem yu tingting wea yu no barava

pikinini blong God, an bae yu no kasem Heven an bae yu no kamap man wea hemi save falom wei blong God olowe.


- f. **Efesas 6:17** Taem yu barava save olketa toktok blong God long Baebol, yu save faetem olketa laea blong Setan. Taem Setan hemi talem laea long yu long tingting blong yu, bae yu luksave long disfala laea. An yu save trufala samting long toktok blong God wea hemi mekem klia dat disfala tingting blong Setan hemi no tru. Jisas hemi somaot long yu wei fo faetem olketa laea blong Setan wetem toktok blong God. **[Matiu 4:1-11; Luk 4:1-13]** Jisas hemi tokstrong long Setan taem hemi talemaot toktok blong God wea i stap long Baebol. Taem yu talemaot toktok blong God an bilivim wea hemi barava tru, disfala toktok hemi save spoelem Setan an save spoelem laea blong hem olsem Jisas hemi duim. Taem yu talemaot toktok blong God, yu barava katem nao Setan wetem naef fo faet blong Holi Spirit.
- g. **Efesas 6:18** Taem yu faetem Setan wea hemi pulum yu long sin or hemi laea long yu o hemi mekem yu fo fil nogud o hemi spoelem yu, yu mas prea an askem God fo helpem yu.
- h. **Efesas 6:14** Yu mas redi olowe bikos Setan an olketa devol bae trae fo trikim yu evride. Nogud yu no save gud long olketa promis God hemi talem long toktok blong hem long Baebol.

Evrisamting fo faet wea God hemi givim kam long yu, olketa i dipen long save blong yu long toktok blong God long Baebol. An olketa i dipen long biliv blong yu long toktok blong God. Evride Setan an olketa devol olketa i trae fo laea long yu. Dastawe yu mas save gud long evrisamting fo faet wea God hemi givim long Baebol. Wei fo yu kamap strong long save an biliv, hemi olsem: Evride hemi gud fo yu ridim olketa tru samting long Baebol, den tingting abaothem olowe long de, mekem olketa isi fo yu rimemba long olketa. An yu mas askem long Holi Spirit fo helpem yu save gud long olketa tru samting an fo helpem yu bilivim olowe, an fo helpem yu falom olowe. **Jemes 4:7**

- 3. Hemi gud fo yumi helpem evriwan blong yumi long saet long save long toktok blong God an long biliv an long faetem Setan an olketa laea blong hem. **Galesia 6:2 [Hibrus 10:23-25]**
 - 4. Nogud eniwan long yufala hemi bilivim laea blong Setan an gorong long tingting blong hem. **Hibrus 3:12-14 [Jemes 1:23-25]**
- E. Samfala wei wea yu save yusim paoa blong God wea hemi givim long yu.
- 1. Yu save raosim Setan an olketa devol long taem yu talem olsem: "Devol, yu mas go distaem nao bikos Jisas hemi givim mi paoa blong hem fo raosim yu." **Luk 10:17 [Aposol 3:6-7]**
 - 2. Talemaot toktok blong God **Matiu 4:8-11 [Efesas 6:17b]**
 - 3. Yu save livim kaikai an yu save prea taem yu nidim paoa blong God fo helpem yu. **Mak 9:28-29 [Aposol 14:23]**
 - 4. Yu save winim Setan bikos dae blong Kraes hemi winim Setan an yu joen wetem Kraes. Staka taem Baebol hemi stori abaothem dae blong Kraes long disfala toktok, "blad blong Kraes." Blad hemi minim dae blong hem. Jisas Kraes nao hemi barava disfala Smolfala Sipsip blong God. An taem yu barava trastem disfala dae blong Jisas fo sevem yu, yu save winim Setan. Yu save spoelem olketa laea blong hem taem hemi talem dat God hemi no sevem yu bikos yu foldaon long sin. **Revelesin 12:11**
 - 5. Yu save winim Setan taem yu talem long hem dat Jisas hemi sevem yu finis an yu barava pikinini blong hem distaem nao. **Revelesin 12:11**
 - 6. Yu save spoelem paoa blong Setan taem yu preisim God an wosipim hem. **Kolosi 3:16 [Efesas 5:17-20]**



Jon 8:44
Matiu 4:5-7
2 Korin 11:14



Kolosi 1:13
1 Jon 4:4
1 Pita 5:8-9

King: Seitan
Namba l wei blong King: laea
Wei blong pipol blong hem: falom filing blong
olketa seleva nomoa
En blong olketa: **stap nogud**

King: God
Namba l wei blong King: talem tru samting
Wei blong pipol blong hem: lavem God an
evri nara pipol
En blong olketa: **stap hapi an garem piis**

Werem Evrisamting Fo Faet Wea God Hemi Givim - Efesas 6:10-18

**Prea
oltaem
long paoa
blong
Holi Spirit**

**Spesol sote
blong faet:
yu stret long
ae blong God**



**Yufala mas werem evrisamting fo faet
wea God hemi givim kam long yufala,
mekem yufala save fit fo stopem olketa
ravis plan blong Seitan. - Efesas 6:11**

Leson 15

?Waswe Laef Blong Yumi Mas Holi?

A. God hemi holi.

1. God hemi holi an hemi fit fo yumi preisim hem: **Revelasin 4:8-11**
2. Holi Spirit. Disfala wod "holi" hemi stap insaet long nem blong hem.
3. **1 Jon 1:5** "God hemi laet an no eni tudak hemi save stap long hem." Laet = tokpiksa long wanem hemi barava stret tumas.

B. ?Wanem nao mining blong disfala wod "holi" long Baebol?

1. Mining blong disfala wod hemi olsem: tambu blong God; barava differen long olketa samting blong disfala wol; no enisamting ravis long hem; no eni sin, barava gud an stret
2. Long Baebol, disfala wod "laet" hemi wanfala tokpiksa wea hemi minim wei blong God wea hemi gud tumas, holi, an no enisamting ravis long hem.

C. ?Wanem nao God hemi tingabaotem olketa pipol? Aposol Pol hemi talem: "No eni gud samting hemi stap insaet long mi." An diswan hemi tru long yumi tu. **Rom 7:18**

1. King David hemi askem disfala kuestin: **Sams 24:3-4**
2. Aposol Pita hemi talem long yumi: **1 Pita 1:15-16**
3. Taem pipol lukum yumi Kristin, God hemi laekem olketa fo lukim paoa blong hem an wei blong hem wea hemi stret an holi. Nomata yumi pipol wea i sin an wei blong yumi i no stret olowe, bat bae nara pipol save lukim dat God hemi stap wetem yumi an hemi waka insaet long yumi fo kamap olsem Jisas.

2 Korin 4:6-7

D. God hemi adoptem yumi long famili blong hem. An hemi mekem Holi Spirit stap insaet long yumi, olsem hemi promisim long Baebol. Dastawe hemi impoten fo yumi kamap holi nao. **2 Korin 1:21-22, Efesas 1:13-14**

E. An God hemi talem yumi fo stap holi, olsem yumi lukim long **1 Peta 1:15-16**.

F. Yumi save tingabaotem tufala kaen holi.

1. Fas kaen holi yumi save kolem "**Holi wea God hemi Givim**" Diswan hemi minim dat taem yumi biliv long Kraes fo sevem yumi, God hemi mekem Holi Spirit stap insaet long yumi. Hemu fogivim sin blong yumi an joenem yumi long Jisas. Dastawe taem hemi lukum yumi, hemi lukum Jisas an long ae blong hem, an yumi stret an holi bikos yumi joen wetem Jisas. Long diskauen holi, yumi stap holi finis. **Efesas 1:13-14; 2 Korin 1:21-22**
2. Mektu kaen holi yumi save kolem "**Holi wea hemi Kamap**" Diswan hemi hemi minim dat bikos yumi pikinini blong God finis, yumi mas sensim wei blong yumi, an lusim olketa ravis wei an falom holi wei blong God. Long diskauen holi, yumi stat fo kamap holi long disfala laef, bat yumi no barava holi finis. Yumi trae fo group strong moa long laef blong Kristin evri de. **Efesas 4:22-24; Filipae 3:12-14**
3. So long ae blong God, yumi stret an holi finis, an Holi Spirit hemi stap insaet long yumi (Holi wea God hemi Givim). Bat yumi mas grou moa long laef blong spirit, an trae fo kamap olsem Jisas (Holi wea hemi Kamap). Yumi duim diswan taem yumi save gud long hem, long ridim Baebol, long prea, long obeim hem, an taem yumi lane fo dipen long paoa blong Holi Spirit fo helpem yumi obeim hem.

G. God hemi fogivim evri sin blong yumi finis. ?Waswe nao yumi mas kamap holi long laef blong yumi?

1. Sapos yu sin olowe, diswan hemi spoelem Jisas. Maet hemi minim tu dat yu no save long hem. Sapos yu sin olowe an yu no sore, yu no save stap gud wetem God. **Hibrus 10:17-29**
2. Samfala pipol tokspoelem Aposol Pol. Olketa sei Pol hemi tisim dat hemi oraet fo duim ravis samting bikos God bae fogivim. **Rom 3:8; Rom 6:1-4**
3. ?Waswe hemi gud fo falom holi wei long laef blong yu? Bikos diswan hemi wei fo kam kolsap long God. **Jemes 4:8**

H. Kamap stret olsem Jisas.

1. Yu no save kamap stret olsem Jisas kuiktaem. Diswan bae hemi tektaem. Nomata hemi had lelebet, bat Jisas hemi laek mekem laef blong yu fulap long evri gud samting. **Jon 10:10b**
2. God hemi gohed evri de fo mekem yumi kamap olsem Kraes. **Filipae 1:6**

?Wanem nao “Holi” hemi minim?

Hemi minim:
samting tambu blong God



Hibrus 10:14

Hibrus 10:17-24

Hibrus 10:25-29


Taem yumi bliliv, yumi
kamap pikinini blong God
an yumi holi long ae blong
hem, bikos yumi joen
wetem Kraes.



Bat God hemi talem dat
yumi mas kamap olsem
Kraes long wei blong hem
tu.

Tufala Kaen Holi

Holi wea God hemi givim
bikos yumi joen wetem Kraes
taem hemi sevem yumi.



Efesas 1:13-14
2 Korin 1:21-22

Holi wea hemi Kamap
taem yumi grouap strong long
laef blong Kristin



Efesas 4:22-24

Leson 16

Stopem Wei Blong Yu Wea Hemi Sin

A. Wei blong yu wea yu duim olowe

1. Samfala wei blong yu, yu no tingting long hem bat yu duim olowe
2. ?Hao nao diskaen wei blong yu hemi stat long laef blong yu?

tingting → duim → wei wea yu duim plande taem →
wea blong yu olowe wea hemi had fo sensim →
wei blong yu wea hemi kontrolem laef blong yu

B. Samting wea hemi pulum yu go long sin

1. Samting wea hemi pulum yu go long sin hemi stat long tingting blong yu.
 - a. Maet diswan hemi barava nogud samting.
 - b. Maet diswan hemi garem stret wei fo duim, bat hemi pulum yu long ravis wei fo duim.
2. ?Waswe, taem yu filim samting hemi pulum yu, diswan hemi sin? (Lukim **Hibrus 4:15**.) Nomoa. Yu save filim samting hemi pulum yu long sin, bat sapos yu no falom, den yu no sin. Jisas hemi filim samting pulum hem long sin, bat hemi no falom. Disfala ves long Hibrus, hemi stori abaotem Jisas, hu hemi Haeprist blong yumi.
3. Trifala samting wea trifala save pulum yu long sin
 - a. Seitan. **Mak 1:13**
 - b. Pipol wea falom wei blong sin **Galesia 1:3-4**
 - c. Yu seleva. **Jemes 1:13-15**
4. ?Waswe, yu save winim olketa samting wea pulum yu long sin? **Hibrus 4:16**
[1 Korin 10:13]

C. Samfala wei wea save helpem yu fo no foldaon long sin

1. Taem Seitan hemi pulum yu: **Efesas 6:10-17 [Jemes 4:7; Matiu 4:1-11]**
2. Taem pipol pulum yu: **Jenesis 39:6-12 [2 Timoti 2:22]**
3. Taem samting yu laekem hemi pulum yu:
 - a. **1 Korin 9:24-27** Wakahad fo bosim yu seleva, mekem yu seleva duim olketa samting wea bae helpem yu fo save gud long Jisas, olsem stadium Baebol, prea long God, go long lotu.
 - b. **Galesia 5:16** letem Holi Spirit fo lidim laef blong yufala
 - c. **Filipae 4:8-9**
 - d. **2 Timoti 2:22**
 - e. **Sams 119:11 [2 Timoti 3:16-17]**
 - f. **Proverbs 4:14-15**
 - g. **[Luk 22:40, 46]**
 - h. **[Rom 12:1-2]**
 - i. **[Kolosi 3:2]**
 - j. **[Jemes 5:16]**
 - k. **Proverbs 24:16**

D. Taem yu stap barava gud wetem God, bae hemi pulum yu fo falom wei blong hem. An den olketa pipol an nara samting long disfala wol wea olketa pulum yu long sin bifoa, olketa no pulum yu strong olsem bifoa. Bae yu save les fo falom wei blong sin.


1. **Jon 15:5, 8** Jisas hemi disfala grep tri ya an yumi nao olketa brans blong hem. Sapos yumi no joen long hem, bae yumi no save duim enisamting nomoa.
2. Taem yu stap kolsap long God, bae hemi had fo tanem baeksaet blong yu long God, bikos hemi promisim, **2 Korin 6:18-7:1**
3. Taem yu stat fo save gud long God, yu wande stap kolsap long hem an yu laekem wei blong yu fo kamap olsem wei blong hem. Bae hemi sensim yu, stat kam long tingting blong yu, go-go bae hemi sensim evrisamting yu duim. **Filipae 1:6**
4. !Kraes hemi helpem yumi fo winim sin an olketa had samting oltaem! Evrisamting wea hemi save kasem yumi, God hemi duim olketa gudfala samting fo olketa pipol hu i lavem hem olowe. **Rom 8:28-39**

Stopem Wei Blong Yu Wea Hemi Sin



1 Korin 9:24-27

Wakahad fo bosim yu seleva; stadim Baebol, prea, lotu. Duim olketa samting wea bae helpem yu fo save gud long Jisas



Galesia 5:16

Letem Holi Spirit fo lidim laef blong yufala, mekem yufala no falom disfala wei blong man fo sin.



Filipae 4:8-9

Tingabaotem nomoa olketa gudfala wei olsem: wanem hemi tru, an wanem hemi fitim fo tinghae long hem, an wanem hemi stret, an wanem hemi klin gudfala, an wanem hemi somaot tru lav, an wanem hemi stret fo laekem, an wanem hemi barava nambawan tumas, an wanem hemi fitim fo tokhae long hem.



2 Timoti 2:22

Ranawe from enikaen nogud wei blong olketa yang pipol, an traehad fo falom nomoa wei wea hemi stret an fo holestrong long biliv an fo lavem olketa pipol an frengud wetem evriwan.

Stopem Wei Blong Yu Wea Hemi Sin




Sams 119:11

**Mi tingim olketa tru toktok
blong yu olowe, mekem mi no
save sin agensim yu..**



Proverbs 4:14-15

**No falom nogud wei, an no
falom wei blong ravis pipol.
!Yu mas tane go long deferen
wei!**



**God nomoa hemi save helpem yumi fo
falom wei blong hem olowe: Jon 15: 5, 8**

**“An mi nao bae mi olsem Dadi blong
yufala, an bae yufala nao olketa san an dota
blong mi. Mi God wea mi garem evri paoa
nao mi talem diswan.”**

**Olketa gudfala fren, hem nao olketa
promis wea God hemi givim fo yumi.
Dastawe yumi mas mekem yumi seleva fo
klin long evrisamting wea hemi save
mekem bodi o tingting blong yumi fo no
klin. An bikos yumi tinghae tumas long
God, yumi mas falom wei wea hemi barava
holi.”**

2 Korin 6:18-7:1

Leson 17

Wei Fo Fogivim Pipol Olowe

A. Bae pipol spoelem yu

1. Pipol bae spoelem yu, nomata yu lavem olketa. Maet samwan i no duim samting wea hemi promisim, o maet samwan hemi tokspoelem yu, o maet samwan hemi duim rong agensim yu. Tufala rod stap wea yu save go long hem. **Matiu 18:21**
2. Tufala rod i olsem:
 - a. Yu save kros olowe an fil nogud long man wea hemi spoelem yu an trae fo sensimbaek wanem hemi duim nogud long yu.
 - b. Yu save fogivim man wea hemi spoelem yu an trae fo mekem man ya stap gud wetem yu.

B. Rod fo fil nogud long nara man an trae fo sensimbaek wanem hemi duim nogud long yu.

1. Sapos yu tingting olowe long wei man ya hemi spoelem yu, bae yu kamap praod, bikhed an fil nogud olowe long nara man. Olketa samting bae mekem yu tingting fo sensimbaek wanem nara man hemi duim nogud long yu.
2. Sapos yu gohed olowe fo fil nogud long disfala man, bae tingting ya hemi spoelem wei blong yu, mekem yu no save stap gud wetem evriwan. !Diswan save spoelem Kristin man tu! Nogud yu holem kros blong yu an nogud filing blong yu. **Efesas 4:31-32**
 - a. Nomata yu Kristin, yu save gohed fo falom wei blong olketa pipol hu i no biliv long God. **Efesas 4:17**
 - b. Yu save kamap bikhed tumas wea yu no wande sensim nomoa tingting blong yu. An samting wea yu laekem tumas hemi save trikim yu, mekem yu foldaon long sin.
Efesas 4:18-24
3. Yu mas lusim olfala ravis wei blong sin. An yu mas stap long niufala wei, wea God hemi mekem fo falom wei blong hem seleva. **Efesas 4:25-30**
 - a. ves 25: Yufala mas lusim disfala wei fo laea nao, an yufala evriwan mas toktru nomoa.
 - b. ves 26: Sapos yufala filkros, yufala mas no letem kros blong yufala fo mekem yufala duim wanem hemi rong." Yufala mas no gohed fo kros kasem taem san hemi godaon.
 - c. ves 28: Man hu i save stil olowe, hemi mas finis from diskauen wei an stat fo waka gudfala. Hemi mas duim olketa gudfala samting long han blong hem, mekem hemi save helpem olketa hu i pua.
 - d. ves 29: Yufala mas no talem eni nogud toktok, bat yufala mas talem nomoa toktok wea hemi save helpem eniwan hu hemi garem nid. Kaen toktok ya nao hemi save blesim olketa hu i herem.
 - e. ves 30: An yufala mas no mekem Holi Spirit blong God fo filsore. → Bat wei blong yu mas mekem nara pipol laek fo liftimapem God.
4. ?Wanem nao stret wei fo falom God taem samwan hemi spoelem yu?
 - a. Taem yu save wea nogud filing long nara man hemi stap insaet long yu, yu mas talemaot disfala sin blong yu long God. Yu mas hambol long ae blong God. Taem yu tinghae long yu seleva, diswan hemi mekem yu les fo fogivim an holem nogud filing long nara man.
 - b. Samfala saen wea somaot yu holem nogud filing long nara man, hemi olsem:
 - 1) yu gohed fo no hapi
 - 2) oltaem yu tokstrong long nara man o pikinini, nomata hemi no duim eni rong samting.
 - 3) oltaem yu no save agri wetem nara pipol
 - 4) yu bikhed olowe an les fo sensim tingting blong yu
 - 5) oltaem yu kros
 - 6) yu les fo falom wei blong God wea Baebol hemi tisim
 - c. Taem yu talemaot long God dat yu holem disfala nogud filing long nara man:
 - 1) Askem God fo helpem yu fo fogivim man an helpem yu lusim disfala nogud filing.
 - 2) Taem yu prea, letem God hemi barava finisim disfala ravis filing.
 - 3) Taem yu prea, askem God fo somaot long yu waswe man hemi spoelem yu. Maet hemi som long yu wea man hemi no wande fo spoelem yu. Maet hemi som long yu wanfala problem disfala man hemi garem wea hemi mekem man gorong, so yu save prea fo hem.

C. Taem samwan hemi spoelem yu, hemi isi fo kamap praod, an bikhed, an kros, an fil nogud long man ya.

Diswan hemi olsem wanfala trap wea yu save foldaon long hem an hemi holem yu. ?Hao nao yu save ranawe from disfala trap an no foldaon long hem?

1. Wanfala rod nomoa hemi letem yu fo ranawe from disfala trap. Yu mas fogivim man wea hemi spoelem yu an trae had fo stap gud wetem hem. Bat yu no save duim diswan long paoa blong yu seleva. Nogud yu trikim yu seleva. Yu nidim help blong God fo barava fogivim man. Taem yu fogivim man, diswan hemi no minim dat wanem man hemi duim hemi stret. Hemi minim nomoa wea bae yu no trae fo panisim hem. Yu letem God hemi jajem man an mekem disisin abaotem panis blong man ya. Sapos yu holem kros

long man ya, disfala kros bae spoelem yu. Taem yu givim ravis filing go long God, yu no letem wanem disfala man hemi duim fo spoelem yu moa. **Kolosi 3:12-17**

2. Hemi gud fo yu tingting long pein blong Jisas taem hemi safra fo helpem yumi. An tingting olowe long diswan: !Hemi fogivim evri sin blong yumi!

a. Tokpiksa abaotem wanfala man hu hemi no wiling fo fogivim fren blong hem

Matiu 18:21-35

b. Sapos yu barava Kristin, yu garem wanfala impoten waka an yu garem wanfala impoten mesij fo talem long evriwan. **2 Korin 5:16-20**

1) Waka blong yumi hemi olsem: yumi nao pipol fo talemaot toktok blong Kraes.
(ves 20)

2) Mesij blong yumi hemi olsem: Yumi mas talemaot hao God hemi mekem pipol fo kambaek an frengud wetem hemi moa. From waka blong Kraes, God hemi gohed fo mekem evri pipol long wol fo kambaek an frengud wetem hemi, an hemi no tingim moa olketa sin blong olketa.

c. Yumi mas kamap klin long ae blong God an yumi mas no garem enisamting rong long yumi.

Filipae 2:14-16a - Long ves 16 Pol hemi talem: yufala gohed fo talemaot disfala toktok blong laef long olketa.

3. Sapos yu fogivim man finis, bat ravis filing long man hemi kambaek, yu mas talem long yu seleva, "Mi fogivim man ya an givim disfala ravis filing long God finis. Bae mi no letem Seitan trikim mi moa fo holem disfala filing o fogetem dat mi fogivim man finis. Mi barava les fo letem Seitan stap long laef blong mi fo spoelem mi."

4. Fo fogivim man hemi samting wea yu mas gohed long hem fo samfala taem. Evri taem nogud filing hemi kambaek, yu talem yu seleva dat yu fogivim man finis an hemi disisin blong yu fo gohed fo fogivim hem. Bae disfala ravis filing hemi no kambaek moa. Long datfala taem, yu save wea yu barava fogivim man, an God hemi barava hilim olketa filing blong yu.

5. Hemi gud fo yu trae fo stap gud wetem man hu hemi spoelem yu. Long wei ya, yu save somaot dat yu fogivim hem. Falom kastom blong yu fo akseptem kompensesin sapos hemi peim. Bat Jisas hemi talem wea yu mas fogivim man, nomata hemi no sore an nomata hemi no peim kompensesin. Sapos yu no fogivim hem, bihaen God hemi no fogivim yu tu. Diswan hemi rod fo go long Hel. Praes fo holem kros blong yu hemi dia fogud.

6. Sapos yu falom disfala wei, bae hemi mekem yu fri fo stap gud wetem God an wetem evri pipol. Hemi mekem yu fri fo stap hapi long disfala laef. Long laef blong yu, plande taem yu mas falom disfala wei fo fogivim pipol. Bat rimemba dat plande taem God hemi fogivim yu tu, an no foget fo talem tengkuu long hem fo diswan olowe. **Galesia 5:13-15; [Jon 10:10; 8:36]**

7. Long Miln Be long PNG olketa garem wanfala kastom. Tufala man stanap insaet long wanfala riva. Tufala holem han an talemaot wanem nao tufala durong long narawan. Bihaen, tufala kamaot long riva an long tingting blong tufala, olketa samting wea tufala spoelem narawan, olketa i stap yet long riva an riva tekem awe. Bae tufala nating tokabaotem moa. ?Wanem nao kastom long yufala?

D. Sapos yu spoelem nara man, hemi gud fo yu falom disfala wei:

1. Fas samting: prea

2. Long disfala prea, talemaot long God evri rong samting yu duim long nara man. Askem God fo fogivim yu, an bae hemi duim. Den askem God fo helpem yu go long man wea yu spoelem fo trae fo mekem yutufala stap gud moa.

3. Go long man ya wea yu spoelem. Talemaot long hem olketa rong samting yu save yu duim. Nogud yu talem wea samfala samting mekem yu duim rong samting. Talem wea samting ya hemi rong blong yu seleva. An nogud tu fo yu talem disfala man olketa rong samting wea hemi duim. Saet blong hem nomoa fo talem samting olsem. Hemi no waka blong yu fo talem hemi duim rong samting long yu tu. God bae talem diswan long hem. Sapos hemi no talemaot samfala rong samting wea hemi duim, bae hemi spoelem hem seleva nomoa, an bae God hemi jajem hem.

4. Maet yu go long sif fo stori abaotem kompesesin. Sapos yu stilim samting, yu mas givim go baek. Sapos yu spoelem samting, yu mas trae fo fiksim, o fo peim niuwan. Yu save wanem nao stret samting fo duim.

5. God hemi fogivim yu finis. Yu mas fogivim yu seleva tu. Nogud yu gohed fo fil nogud long yu seleva olowe. Sapos man wea yu spoelem, hemi spoelem yu tu. Oraet, yu mas fogivim hem. Taem yu duim olketa samting finis, hem nao evrisamting God hemi laekem yu fo duim. Hemi waka blong man fo fogivim yu tu, bat yu no save mekem hemi duim diswan. God bae jajem yu fo wanem yu duim, an bae hemi jajem nara man fo wanem hemi duim tu. Evri man wea hemi hambol an fogivim nara man wea duim rong samting, bae God hemi hapi tumas long hem.

E. ?Taem samfala sin hemi kamap insaet long sios an pipol no stap gud tugeta, wanem nao yu mas duim?

1. Yu mas lukluk gud long wei blong yu seleva an long wanem yu seleva duim wea hemi pat long disfala trabol. Hemi isi fo man hemi lukim sin long nara man bat hemi no lukim sin long hem seleva. Yu garem sin long laef blong yu tu. Yu stretem sin long laef blong yu nomoa. Taem yu stret long ae blong God

bikos yu konfesim evri sin blong yu an yu askem God an nara pipol fo fogivim yu an yu mekem yu seleva hambol, long datfala taem nomoa yu save duim samting abaotem sin blong nara man blong sios.

Matiu 7:3-5

2. Sapos yu save wanfala Kristin hemi garem sin an hemi no sensim wei blong hem:

- a. Sapos yu hambol an stret wetem God, yu save go long disfala Kristin an stori wetem hem abaotem sin ya. **Matiu 18:15**
- b. Sapos man hemi no lisin long yu o hemi no sensim tingting an wei blong hem, go storim hem nara taem moa, bat distaem hemi gud fo yu tekem wanfala or tufala nara man go wetem yu. **Matiu 18:16**
- c. Sapos man hemi no wilng yet fo herem wanem olketa talem o sensim wei blong hem, oraet, yu mas talemaot evrisamting long olketa memba blong sios nao. **Matiu 18:17**
- d. An sapos hemi no wilng yet fo herem wanem olketa memba blong sios olketa talem, oraet, yufala mas ting long hem olsem wanfala man wea hemi no biliv. Olketa mama o pasto mas lidim yumi long disfala samting. Yufala evriwan mas somaot lav long hem. Nogud yu spoelem. Jisas hemi talem yumi mas lavem enemi blong yumi tu. Bat man ya hemi olsem man wea hemi no memba long sios. Nogud olketa Kristin tingse hemi bikman long yufala Kristin, long sios o long vilij, an hemi no save tekem komiunion. Bat sapos hemi sensim tingting an wei blong hem, an hemi talem long evriwan long sios wea hemi sore long sin blong hem, den hemi gud fo mama o pasto hemi akseptem hem kambaek moa olsem Kristin brata an memba blong sios. **Matiu 5:44-46**

F. Sapos raoa o faet hemi kamap melewan tufala sios o tufala dinominesin. **Efesas 4:11-16**

1. ?Haomas bodi nao Kraes hemi garem? ?Haomas deferen famili nao bae stap long Heven? **Rom 12:5;**
[1 Korin 12:12-13; Efesas 4:4; 2:19; Hibrus 2:11]
2. Sapos lek blong yu hemi garekil mekem yu safra. Yu no tok long lek olsem, “!Yu barava nogud lek nao!” ?Waswe, diskauen toktok bae hemi mekem lek fo gudbaek moa? Nomoa. Sapos yu laekem lek fo gudbaek moa, yu mas lukaftarem hem. Long semkaen wei, sapos yu no agri wetem wanfala Kristin brata, Baebol hemi talem yu samfala wei fo mekem yutufala stap gud tugeta moa: **Rom 14:1 – 15:7** Sapos samting wea yutufala no agri long hem, hemi samting wea hemi klia long Baebol, bat hemi barava klia wea raoa hemi kamap from wanfala sin, den yu falom toktok long **Matiu 18:15-17** wea yumi ridim finis.
3. Plande Kristin tokspoelem nara dinomineson o nara Kristin. Bat diswan hemi rong. Jisas hemi laekem yumi fo waka wetem olketa an helpem olketa, olsem yumi trae fo lukaftarem lek wea hemi kil. Olketa pat long bodi blong Kraes i olsem yu tu. Nogud yu spoelem pat blong bodi blong yu, bikos yu spoelem Kraes an yu seleva tu.
4. Sapos yu tokspoelem nara dinominesin o nara Kristin, den yu mekem bodi blong Kraes fo safra. Plande taem pipol long wanfala sios no agri an bihaen olketa divaedem sios. ?Waswe nao olketa duim diswan? Olketa duim bikos olketa praod tumas an bikhed tumas. Diswan hemi sin blong Seitan. Seitan hemi praod an bikhed, dastawe nao God raosim hem from Heven. Taem yumi spoelem nara Kristin an divaedem sios, yumi no falom rod blong God wea hemi laekem yumi fo fogivim pipol an trae fo stap gud wetem olketa.
 - ?So wanem nao bae yufala duim abaotem pipol long sios wea i no fogivim nara pipol? ?Hao nao yufala save helpem olketa pipol, an olketa sios, an olketa dinominesin fo fogivim narawan an stap gud tugeta? ?Hao nao yufala save helpem olketa Kristin wea i divaed fo stap gud moa, olsem wanfala famili wea evriwan lavem evri narawan? Maet samfala pipol les fo fogivim nara pipol. Diskaen pipol olketa barava sin an les long wei blong God. Maet hemi gud fo mama o pasto fo falom tising long **Matiu 18:15-17**, mekem olketa wea les fo sensim wei blong olketa fo stap aotsaet long sios. Bihaen, olketa hu i wilng fo falom wei blong Jisas save stap gud tugeta. Olketa nao barava memba blong tru sios. Olketa wea i les fo fogiv an stap gud wetem nara Kristin, olketa i no tru Kristin.
 - ?Waswe, eni nogud filing long nara man hemi stap long tingting blong yu? ?Yu nid fo fogivim samwan an trae fo stap gud wetem? Tude nao hemi taem fo duim.

Fo Fogivim Samwan, Hemi Wanfala Disisin

L.17a. Wei Fo Fogivim Pipol Olowe

Samwan hemi
spoelem yu.



Matiu 18: 21


Yu siusim fo fogivim
Yu fogivim an trae
fo stap gud moa
wetem hem.

Yu no tingting
moa long disfal
samting

Yu garem ravis
filling long hem

Yu trae fo
spoelem hem

Yu spoelem
yu seleva



**Sapos yu holem kros long
samwan, kros hemi mekem yu
fil nogud long hem olowe.**

Efesas 4:31-32

Efesas 4:17


Efesas 4:18-24

Efesas 4:25-30

Efesas 1:13

(Man wea
hemi spoelem yu)

**Sapos yu fil nogud
long samwan
olowe, disfala
filing hemi mekem
yu no stap gud
wetem plande
nara pipol tu,
an mekem yu
no hapi olowe.**



Jisas hemi talem, "Yu mas olowe fogivim."

**Kolosi 3:12-17
Matiu 18:21-35**



**King hemi aotem kaon blong wakaman
wea kaon blong hem hemi 10,000 bikfala seleni.**



**Bat wakaman ya, hemi les fo aotem kaon blong nara man
wea hemi kaonem 100 seleni nomo.**

**2 Korin 5: 16-20
Filipae. 2: 14-16a
Galesia 5: 13-15**


Leson 18

Wei Fo Olketa Wea Falom Kraes Fo Stap Gud Long Famili Blong Olketa

- A. ?Hao nao wei blong olketa Kristin long famili blong olketa hemi deferen from wei blong olketa wea i no biliv?
1. Fo falom wei blong Jisas nao hemi barava nambawan long tingting blong olketa.
 2. Olketa trae had fo stap gud wetem evriwan long famili.
 3. Wei blong Dadi an Mami somaot long pikinini blong tufala wea tufala barava biliv long Jisas an falom wei blong hem
- B. ?Wanem nao plan blong God fo olketa Kristin famili?
1. Olketa pikinini lanem hao fo falom wei blong God from Dadi an Mami. **1 Jon 4:16**
 2. Olketa pikinini lanem wei fo stopem wanem bodi blong hem seleva nomoa hemi laekem. An olketa praktis long olketa wei fo stap gud wetem pipol, fo kipim promis, fo kaen long pipol, fo stap wiling fo weit nomoa, an fo lavem evriwan. (**Galesia 5:22-23**)
 3. Wei wea dadi hemi lavem mami hemi somaot wei Kraes hemi lavem pipol blong hem.
 4. Famili wea olketa i Kristin an olketa falom wei blong Kraes, olketa famili olsem mekem pipol blong God fo stap gud long vilij an somaot lav blong God long olketa wea i no biliv yet.
 5. Wanfala famili wea olketa barava falom wei blong Jisas, bae olketa helpem olketa nara pipol long vilij blong olketa.
- C. Plan blong God fo olketa marit man an olketa marit woman.
1. Long tingting blong God, waka blong marit man hemi olsem:
 - a. Man hemi hed blong famili blong hem, olsem Kraes hemi hed blong sios. **Efesas 5:23**
 - b. Hemi mas lavem waef blong hem an helpem waef blong hem. **Efesas 5:25, 28-29; Kolosi 3:19**
 - c. Hemi mas tinghae long waef blong hem an somaot diswan long wei blong hem. **1 Pita 3:7**
 2. Long tingting blong God, waka blong waef hemi olsem:
 - a. Hemi mas tinghae long hasban blong hem an somaot diswan long wei blong hem. **Efesas 5:22**
 - b. Hemi mas putum hem seleva andanit long paoa blong hasban blong hem. **Kolosi 3:18**
 3. Yumi Kristin mas putum yumi seleva andanit long paoa blong evri narawan blong yumi.
Efesas 5:21; Kolosi 3:12-17
- D. Long tingting blong God, waka blong dadi and mami hemi olsem: **2 Timoti 1:5**
1. Dadi an mami tufala i lida blong famili blong tufala.
 2. Yumi dadi an mami mas lukaftarem samfala samting blong pikinini blong yumi, olsem:
 - a. Bodi blong olketa - mekem olketa helti
 - b. Tingting blong olketa - mekem olketa save wanem nao gud an stret
 - c. Spirit blong olketa - helpem olketa stap gud wetem God
 3. Yumi mas tisim pikinini blong yumi long wei olketa mas stap, olsem olketa mas no laea an mas duim waka blong olketa olowe.
 - a. Yumi mas tisim dat sapos olketa obei, den gudfala samting bae kam long olketa an bae yumi save letem olketa duim olketa gud samting olketa laek fo duim.
 - b. Yumi mas tisim dat sapos olketa no obei, den nogud samting bae kam long olketa an bae yumi no letem olketa gohed fo duim samfala samting wea olketa laek fo duim.
 4. Yumi mas stretem pikinini blong yumi an panisim olketa olsem God hemi stretem pikinini blong hem an panisim olketa bikos hemi lavem olketa. Yumi mas duim diswan from lav blong yumi, no from kros blong yumi, bikos yumi wande olketa fo kamap gudfala dadi and mami bihaen. Bae olketa i falom wei blong yumi. Sapos yumi kaenfala man o woman, bae olketa kamap kaen tu. Sapos yumi kros olowe, bae olketa olsem tu. Yumi save lukim diswan long samfala pipol long vilij blong yumi. **Hibrus 12:5-11**
 5. Nogud yumi dadi an mami mekem pikinini blong yumi kamap kros olowe long yumi. Nogud yumi spoelem lav blong olketa fo yumi. Taem yumi stretem olketa o panisim olketa, nogud yumi barava spoelem tingting blong olketa. Dastawe yumi mas keakea taem yumi kros. Letem kros blong yumi hemi finis, den bihaen tingting long stret wei for stretem an panisim olketa from lav. **Kolosia 3:21**

Wei blong Famili mas falom wei blong God

Hasban mas lavem waef blong hem olsem Kraes hemi lavem sios. *Efesas 5:25*
Waef mas putum hem seleva andanit long paoa blong hasban blong hem. *Efesas 5:22*




Sapos yumi somaot lav long hom
blong yumi, olketa pikinini save
lukim an save long lav blong God.

2 Timoti 1:5

God barava lavem yumi tumas.

1 Jon 4:16



**Yumi dadi mas falom
wei blong God taem yumi
lavem olketa pikinini
blong yumi.**

Nogud yu mekem olketa pikinini
blong yu fo kamap kros, nogud
olketa filnogud tumas. *Kolosi 3:21*

Siksfala Waka Blong Dadi

1.

Hemi barava
impoten fo dadi
an mami stap
gud tugeta.




Famili hemi olsem
wanfala saen
blong Kraes
an sios.



2.

Evrismting
yu duim mas
somaot
gudfala wei.



Wei blong hem tisim pikinini
wei olketa mas falom.

3.

Famili
blong yu
mas
somaot
wei God
hemi
lavem
pipol.



Wei blong
famili blong yu
mas mekem
pipol tinghae
long God.

Lavem pikinini blong yu.

4.



5.

Toktok blong yu
mas gud olowe
nomoa.



Keakea wanem nao yu sei.

Helpem
pikinini blong yu
fo trastem God
an wod blong
hem.



6.

Som pikinini wei fo prea an wodp long haos.
Evri dei difren man hemi save talem tengkuu long
God bifoa kaikai.
Ridim o talem stori blong Baebol long pikinini.
Oltaem evriwan long famili prea fo evri narawan.
Evri dei tisim pikinini blong yu stret wei wea olketa
mas falom

Leson 19

Wei Fo Redim Leson From Baebol An Wei Fo Tisim

A. Wei fo redim lesion

1. Askem God fo givim yu gudfala tingting abaotem wei fo redim lesson yu laek fo tisim.
2 Timoti 2:2 [Sams 127:1-2]
2. Mas save fastaem:
 - a. ?Hu nao bae yu tisim?
 - b. ?Wanem nao olketa nid fo save?
 - c. ?Taem yu tisim lesion finis, wanem nao yu laek fo olketa save duim?
3. Siusim samfala ves blong Baebol fo lesion.
 - a. Askem Holi Spirit, “?Wanem nao nambawan impoten samting fo pipol mas save long olketa ves?” Ridim olketa ves, tingting abaotem, an raetem ansa wea yu faendem.
 - b. Taem yu tingting abaotem olketa ves, askem yu seleva, “?Wanem nao olketa ves i tis abaotem...
 - 1) God
 - 2) Jisas Kraes
 - 3) Holi Spirit
 - c. Askem yu seleva, “?Enisamting wea olketa ves i talem pipol fo duim?”
 - d. Askem yu seleva, “?God hemi mekem eni promis long olketa ves wea pipol mas biliv long hem?”
 - e. Askem yu seleva, “?Olketa ves i talemaot enikaen woning?”
 - f. Eksplenem wanem nao God hemi talem yu long olketa ves.
 - g. Eksplenem wei wea olketa samting yu lanem from olketa ves mas sensim wei blong yu o blong sios o blong vilij.
4. Hemi gud sapos yu kolektem samfala samting wea olketa save helpem yu tisim lesion blong yu.
 - a. Hemi gud sapos yu save tingting long niufala wei fo tisim lesion, mekem lesion barava klia long olketa yu tisim an mekem olketa pipol barava intres long lesion. Olsem, maet yu tingim wanfala stori wea hemi somaot impoten tingting long lesion blong yu, o maet yu mekem akson, o maet yu mekem bikfala piksa, o maet yu tingim nara samting fo duim.
 - b. Taem yu save wei wea bae yu tisim lesion, yu mas tekem eni samting wea yu nidim, olsem pepa fo mekem piksa o samting fo akson.

B. Taem yu tisim lesion long pipol

1. Taem yu statem lesion, talemaot fastaem olketa impoten poen yu laek fo tisim.
2. Taem yu tisim olketa impoten samting blong lesion, talem evri impoten samting winim wanfala taem. An evri taem yu talem, talem long deferen kaen wei. Nogud yu talem sem wei evri taem wetem sem wod. Long evri impoten samting, askem pipol olketa minim o nomoa. Sapos wanfala impoten samting yu tisim hemi samting wea olketa save duim long datfala taem, mekem olketa praktis long hem. Pipol save lanem samting kuiktaem olketa barava duim samting an no jes li-lisin nomoa.
3. Taem yu tisim evri impoten samting finis, hemi gud fo yu talemaot moa impoten poen ya wea yu tisim finis.
4. Taem yu tisim olketa, talem samfala wei wea olketa save yusim disfala niu save long laef blong olketa. Stori wetem pipol abaotem olketa impoten samting blong lesion. Askem olketa samfala kuestin fo meksua olketa minim. An askem olketa fo talem tingting blong olketa abaotem samting yu tisim an wei fo yusim disfala niu save.
5. Long en long lesion, talem evri samting wea yu tisim finis long sot kaen wei. Talem tu evri samting wea olketa talem finis long tingting blong olketa, long sot kaen wei. An letem olketa askem kuestin long yu, fo yu ansarem.


Wei Fo Redim Lesson From Baebol

2 Timoti 2:2

Stadim olketa ves:

Fofala kuestin:

1. ?Wanem nao nambawan impoten samting long olketa ves?
2. ?Wanem nao olketa ves talem abaoem God (Dadi, San, Holi Spirit)?
3. ?Wanem nao olketa ves talem enikaen woning o promis o eni narakaen samting?
4. ?Wanem nao olketa ves talem yumi fo duim?



Mekem list blong lesson:

1. Fas toktok
2. Raetemdaon impoten poen (2-5)
3. Olketa wei fo somaot mining blong evri poen
4. Las toktok

Fas toktok


1. mekwan impoten tising
- wei fo somaot mining
2. mektu impoten tising
- wei fo somaot mining
3. mektri impoten tising
- wei fo somaot mining

Las toktok

*"Bae yufala SAVE long TRU SAMTING abaotem God, an
disfala TRU SAMTING bae hemi mekem yufala FRI."* Jon 8:32


Man wea hemi

no billy





Man wea hemi


jes kamap Kristin



2 Tesalonaka 2: 9-12





Jon 10:10



L2a God hemi lavem yumi olsem wanfala dadi lavem pikinini blong hem

God hemi lavem yumi tumas

**1 Jon 3:1
Jon 15: 9-10, 12**



**Yuni wea dadi mas lavem pikinini
blong yumi long semkaen wei
wea God hemi lavem yumi.**

"Aba" Dadi blong mi




~ Hemi barava lavem yumi olowe

~ Hemi wande fo fogivim sin blong yumi

~ Hemi weitem yumi, kasem
taem yumi lavem hem

~ Bae hemi no save
fogetem yumi

~ God hemi gohed fo sore
an kaen tumas long yumi



Luk 15:11-32


1 Pita 2:9

Rom 8:15-17

Samfala Tru Samting Abaotem God

1. a)


Rev. 22: 13



God hemi stap olowe; Hemi no garem stat long laef blong hem, an hemi no garem en long laef blong hem.

1. b)

Kol. 1: 15-16



God hemi stap olowe. Hemi mekem evrisamting. No eniwan mekem hem.

2. a)


Rom 1: 20



God hemi garem evri paoa.
Hemi save duim
evisamting nomoa.

2. b)


Rom 11: 33-34



God hemi save long
evrisamting.

2. c)


Sams 139:7-12
Hibrus 4:13



God hemi evriples long
wanfala taem, an hemi
lukim evrisamting olowe.

3.


Jon 6:46



No eniwan long disfala wol save lukim
God. Hemi wanfala Spirit.

4.

Mak 1: 11




God hemi person;
Hemi garem tingting, hemi save mekem
disisin, hemi filim lav an kros.

**Triniti =
trifala long
wanfala**

**Diutronomi 6:4
Jenesis 1:26**

**Jon 13:36
Jon 14:8-9
Jon 14:16-17
Jon 14:26
Jon 14:23**



**Trifala wei wea
Triniti olketa i
wanfala:**

- 1. sem paoa**
- 2. sem tingting**
- 3. sem lav**



God Hemi Holi

1 Jon 1:5

Olowe God hemi duim
wanem hemi promisim

Jemes 1:17
2 Timoti 2:13

God hemi sore an
kaen tumas long
evriwan

Efesas 2:4-5

God hemi duim nomoa
wanem hemi
stret an gud

Hibrus 1:8-9

God hemi waes.
*Hemi save gudfala wei fo
somaot lav blong hem.*

Jemes 3:17

← Evri samting God hemi duim,
hemi kam from lav blong hem.

1 Jon 4:8, 16
Filipae 2:3-8

Wei fo kamap fren wetem God



1 Tesalonaeka 5:16-18
Matiu 12:7



Matiu 6:5-7
Matiu 6:9-13

Filipae 4:8
Sams 1:1-3




Jon 10:27



Prea long God (Matiu 6:9-13)

1.




Wosip
(ves 9)

2.



Askem God fo kamap king long
laef blong nara man. (ves 10)

3.




Prea fo nid blong yu
(ves 11)

4.



Talemaot sin an askem
hem fo fogivim yu (ves 12)

5.




Askem hem fo helpem yu no
foldaon long sin (ves 13)

Herem God Toktok Long Yu

Toktok long

1.


Baebol



2 Timoti 3:16-17

2.

maen



Aposol 8:29

3.

Pipol blong God



Aposol 8:34-36

4.

**Samting wea
hemi hapen**



1 Korin 16:8-9

5.



Enjel o drim

Aposol 5:19-20

Aposol 10:9-16

6.

**Fil gud an
garem piis
abaotem
tingting**



2 Korin 2:12-13

Testem olketa: Aposol 17:11


God Hemi Garem Plan Fo Pipol, Hu Hemi Mekem Olketa Olsem Hem Seleva

**God hemi mekem pipol
olsem hem seleva:**


Jemes 3:9



3. Filing



?Waswe
God
hemi
mekem
pipol?



Galesia 3:26-29


Aposol 4:32-33

Kolosi 1:3-4

Efesas 2:10

*God hemi plan fo yumi stap barava gud
wetem hem an nara pipol.*

Yumi
barava
impoten
long
God.



Eksodas 20:1-17

Matiu 5:21-22, 27-28, 43-44

Rom 13: 8-10

Matiu 5:17

Galesia 5:18

**Olketa Lo blong God i som yumi dat
yumi nidim God fo mekem yumi kamap holi.**

Wanem nao Baebol hemi talem abaotem Seitan?

- God hemi mekem Seitan: Esikel 28:14-15, 17
- Seitan hemi rulim disfala wol long distaem: 2 Korin 4:4
- Seitan hemi goraon an lukaotem eniwan fo hemi spoelem: 1 Pita 5:8




1 Pita 5: 8 “Yufala mas redi an lukaot gudfala. Bikos enemi blong yufala Seitan hemi olsem wanfala laeon wea hemi hanggre tumas, wea hemi goraon an singaot bikfala. Hemi gohed fo lukaotem eniwan fo hemi



Plan blong Seitan
fo mekem yu fraet.





“Spirit wea God hemi
givim kam long yumi,
hemi no mekem yumi
fraet....” 2 Timoti 1:7



**Seitan hemi
barava dadi blong
evri laea nao.**

Jon 8:44




**Seitan hemi save
mekem hem seleva
fo luk olsem wanfala
enjel blong laet.**

2 Korin 11:14

**Seitan hemi save olketa samting dat yumi wadem an nidim,
an hemi yusim olketa samting ya fo pulum yumi long sin.**


Rom 1:21-23, 29-31

**1. Taem yu les long tru samting blong God,
tingting blong yu laek falom isi wei blong sin.**




Olketa Plan Blong Seitan Fo Spoelem Yu

1. 1 Jon 2:16




Evri ravis samting wea bodi hemi save laekem tumas – seks, drang, kaikai, seleni

2. *Yu laekem samting bikos hemi luknaes tumas*



3. *Yu laekem paoa an wande kamap bikman*



4.



*Yu
fraet*


Matiu 10:28

5. *Mekem pipol no stap gud tugeta*



Jemes 3:9-10

6.




Jemes 3:14-18

*Olketa pipol blong God
no stap gud tugeta*

Evri Samting Man Hemi Duim, Hemi Kamaot Long Maen Blong Hem

Gudfala frut



Mak 7:17-23
Luk 6:43-45

Ravis fruit




Wei blong
maen fo sin

Yu nao rulim
yu seleva

God hemi save nomoa long maen blong evriwan
Luk 16:15



“Evri ravis samting, hemi kamaot long insaet long maen blong man, an hem nao hemi save mekem man fo no klin.” Mak 7:23

**Olketa Wei
Blong Man Fo Sin
Galesia 5:19-21**



Hemi fit fo God hemi panisim yumi evriwan.


Rom 3:9-11
Rom 3:21-26
Jon 3:16-18



2 Korin 5:21
1 Pita 2:24
Galesia 3:13
Rom 11:22





Galesia 5:19-21
Aesaea 5:1-4, 7




**Plande pipol tingse dat
olketa i gudfala an
olketa garem lelebet sin
nomoa. Bat diskaen
tingting hemi barava
no stret.**

**“Tingting blong man hemi
olsem ravis sik wea no
eniwan save kiurim. Ya, haat
blong man hemi fulap nomoa
long laea. ?Hu nao hemi
savegud long haat blong
man?” Jeremaea 17: 9**



**God save sensim pipol an
givem olketa niufala tingting:**


*Bae mi mekem laef blong yufala fo
kamap niu moa. An bae mi givim
niufala tingting long yufala, mekem
yufala wosipim mi nomoa. Bae mi
tekemaot olketa ravis tingting blong
yufala wea hemi mekem yufala bikhed,
an bae mi givim gudfala tingting long
yufala mekem yufala save obeim mi.
Esikel 36:26*



Matiu 27:26-30; 35-44

Jon 10:17-18

God Somaot Kaenfala Lav Blong Hem Long Wei Hemi Laek Fo Sevem Olketa




**2 Korin 5:21
Galesia 3:13
2 Pita 3:9
Rom 2:4**

God hemi sevem yu. ?Wanem nao hemi minim?

Sensim tingting

Lusim olketa ravis wei blong yu

1.



Olketa ravis wei
blong yu i mas dae
nao.

Matiu 3:1-2, 7-8
Efesas 4:20-24

BIII

Efiesas 2:8-9
2 Korin 5:15
Rom 6:22-23


Yu trastem Kraes
fo sevem yu

2.



Jisas hemi
King ovarem
laef blong yu
an bae yu
obeim Hem

3. God hemi tekaotem sin
blong yu an givim
niufala haat long yu



Revelesin 1:5
Rom 8:1
Efesas 4:22-24

4. God hemi adoptem
yu, mekem yu
pikinini blong
hem.

Galesia 4:4-6
Galesia 4:7
Galesia 2:20



Holi Spirit hemi
stap insaet long
yu an Jisas stap
wetem yu.
Jon 14:16-18


Holi Spirit
helpem yu fo
obeim Jisas
olowe.
Galesia 5:16

Olketa Wei Blong Olketa Kristin


1 Jon — Wei fo save dat yu barava stap gud wetem God

1

1 Jon 1:6-7



*Falom wei blong laet blong God
Duim wanem God hemi talem*




1 Jon 2:3-6

2

3

1 Jon 2:9-11



*Lavem wantok blong yu
No lavem disfala wol*

4

7

1 Jon 3:10



*Duim wanem hemi stret
Winim disfala ravis wol*

1 Jon 5:4-5


8



1 Jon 5:13

5


1 Jon 2:24




*Joen olowe long Jisas
Holi Spirit stap wetem yu*

6

1 Jon 4:13



King: Seitan
Namba 1 wei blong King: **Iaea**
Wei blong pipol blong hem: **falom filing blong olketa seleva nomoa**
En blong olketa: **stap nogud**




King: God
Namba 1 wei blong King: **talem tru samting**
Wei blong pipol blong hem: **lavem God an evri nara pipol**
En blong olketa: **stap hapi an garem piis**

Werem Evrisamting Fo Faet Wea God Hemi Givim - Efesas 6:10-18

**Prea
oltaem
long paoa
blong
Holi Spirit**

**Spesol sote
blong faet:
yu stret long
ae blong God**

Strap:
olketa tru
samting God
hemi talem
long Baebol



Hat blong faet: God sevem yu

Sil: biliv –
Jisas hemi
stap wetem
yu olowe fo
helpem yu

**Naef fo faet blong
Holi Spirit:**

Toktok blong
God

Sandol:

stap redi oltaem fo
talemaot Gudnius
blong piis

**Yufala mas werem evrisamting fo faet
wea God hemi givim kam long yufala,
mekem yufala save fit fo stopem olketa
ravis plan blong Seitan. - Efesas 6:11**

Hemi minim:

samtong tambu blong God

Taem yumi bliliv, yumi kamap pikinini blong God an yumi holi long ae blong hem, bikos yumi joen wetem Kraes.



Hibrus 10:14

Hibrus 10:17-24


Hibrus 10:25-29

Bat God hemi talem dat yumi mas kamap olsem Kraes long wei blong hem tu.


Tufala Kaen Holi

**Holi wea God hemi givim
bikos yumi joen wetem Kraes
taem hemi sevem yumi.**

**Holi wea hemi Kamap
taem yumi grouap strong long
laef blong Kristin**




**Efesas 1:13-14
2 Korin 1:21-22**



Efesas 4:22-24


Yumi gohed fo kamna olsem Kraes

Stopem Wei Blong Yu Wea Hemi Sin




1 Korin 9:24-27

Wakahad fo bosim yu seleva; stadim Baebol, prea, lotu. Duim olketa samting wea bae helpem yu fo save gud long Jisas



Galesia 5:16

Leten Holi Spirit fo lidim laef blong yufala, mekem yufala no falom disfala wei blong man fo sin.



Filipae 4:8-9

Tingabaotem nomoa olketa gudfala wei olsem: wanem hemi tru, an wanem hemi fitim fo tinghae long hem, an wanem hemi stret, an wanem hemi klin gudfala, an wanem hemi somaot tru lav, an wanem hemi stret fo laekem, an wanem hemi barava nambawan tumas, an wanem hemi fitim fo tokhae long hem.



2 Timoti 2:22


Ranawe from enikaen nogud wei blong olketa yang pipol, an traehad fo falom nomoa wei wea hemi stret an fo holestrong long biliv an fo lavem olketa pipol an frengud wetem evriwan.

Stopem Wei Blong Yu Wea Hemi Sin



Sams 119:11

**Mi tingim olketa tru toktok
blong yu olowe, mekem mi no
save sin agensim yu..**




Proverbs 4:14-15

**No falom nogud wei, an no
falom wei blong ravis pipol.
!Yu mas tane go long deferen
wei!**

**God nomoa hemi save helpem yumi fo
falom wei blong hem olowe: Jon 15: 5, 8**

**“An mi nao bae mi olsem Dadi blong
yufala, an bae yufala nao olketa san an dota
blong mi. Mi God wea mi garem evri paoa
nao mi talem diswan.”**


**Olketa gudfala fren, hem nao olketa
promis wea God hemi givim fo yumi.
Dastawe yumi mas mekem yumi seleva fo
klin long evrisamting wea hemi save
mekem bodi o tingting blong yumi fo no
klin. An bikos yumi tinghae tumas long
God, yumi mas falom wei wea hemi barava
holi.”**



2 Korin 6:18-7:1

Fo Fogivim Samwan, Hemi Wanfala Disisin

**Samwan hemi
spoelem yu.**



Matiu 18: 21

**Yu garem ravis
filing long hem**

**Yu trae fo
spoelem hem**

**Yu spoelem
yu seleva**


Yu siusim fo holen kros

**Yu no tingting
moa long disfal
samting**

Yu siusim fo fogivim

**Yu fogivim an trae
fo stap gud moa
wetem hem.**

**Yu fri
an hapi**



**Sapos yu holem kros long
samwan, kros hemi mekem yu
fil nogud long hem olowe.**

Efesas 4:31-32

Efesas 4:17

Efesas 4:18-24

Efesas 4:25-30

Efesas 1:13

(Man wea
hemi spoelem yu)

**Sapos yu fil nogud
long samwan
olowe, disfala
filing hemi mekem
yu no stap gud
wetem plande
nara pipol tu,
an mekem yu
no hapi olowe.**

Jisas hemi talem, “Yu mas olowe fogivim.”

**Kolosi 3:12-17
Matiu 18:21-35**



**King hemi aotem kaon blong wakaman
wea kaon blong hem hemi 10,000 bikfala seleni.**




**Bat wakaman ya, hemi les fo aotem kaon blong nara man
wea hemi kaonem 100 seleni nomo.**

**2 Korin 5: 16-20
Filipae. 2: 14-16a
Galesia 5: 13-15**

Wei blong Famili mas falom wei blong God

Hasban mas lavem waef blong hem olsem Kraes hemi lavem sios. *Efesas 5:25*
 Waef mas putum hem seleva andanit long paoa blong hasban blong hem. *Efesas 5:22*




Sapos yumi somaot lav long hom
 blong yumi, olketa pikinini save
 lukim an save long lav blong God.

2 Timoti 1:5

God barava lavem yumi tumas.

1 Jon 4:16



Nogud yu mekem olketa pikinini
 blong yu fo kamap kros, nogud
 olketa filnogud tumas. *Kolosi 3:21*

**Yumi dadi mas falom
 wei blong God taem yumi
 lavem olketa pikinini
 blong yumi.**

Siksfala Waka Blong Dadi

1.

Hemi barava
impoten fo dadi
an mami stap
gud tugeta.



*Famili hemi olsem
wanfala saen
blong Kraes
an sios.*



2.

Evrisamting
yu duim mas
somaot
gudfala wei.



*Wei blong hem tisim pikinini
wei olketa mas falom.*

3.

*Famili
blong yu
mas
somaot
wei God
hemi
lavem
pipol.*



Wei blong
famili blong yu
mas mekem
pipol tinghae
long God.

Lavem pikinini blong yu.

4.



5.

Toktok blong yu
mas gud olowe
nomoa.



Keakea wanem nao yu sei.

Helpem
pikinini blong yu
fo trastem God
an wod blong
hem.



6.

Som pikinini wei fo prea an wosip long haos.
Evri dei difren man hemi save talem tengkuu long
God bifoa kaikai.
Ridim o talem stori blong Baebol long pikinini.
Oltaem evriwan long famili prea fo evri narawan.
Evri dei tisim pikinini blong yu stret wei wea olketa
mas falom.


Wei Fo Redim Leson From Baebol

2 Timoti 2:2

Stadim olketa ves:

Fofala kuestin:

1. ?Wanem nao nambawan impoten samting long olketa ves?
2. ?Wanem nao olketa ves talem abaothem God (Dadi, San, Holi Spirit)?
3. ?Wanem nao olketa ves talem enikaen woning o promis o eni narakaen samting?
4. ?Wanem nao olketa ves talem yumi fo duim?



Mekem list blong lesion:

1. Fas toktok
2. Raetemdaon impoten poen (2-5)
3. Olketa wei fo somaot mining blong evri poen
4. Las toktok

Fas toktok

1. mekwan impoten tising
- wei fo somaot mining
2. mektu impoten tising
- wei fo somaot mining
3. mektri impoten tising
- wei fo somaot mining

Las toktok